


國史畧

五

リ特5
1.318
54



門 9 守 5
號 1.318
卷 5



國史略卷之五

從五位下行大舍人助兼音博士源朝臣松苗編次

從五位下遠江守鴨縣主長資 校

正親町天皇諱方仁母 贈皇后諱榮子參議賢房之女 帝

年四十二歲即位。○永祿元年三好松永等作亂將軍義輝及

細川晴元奔于坂本。○九月義輝與晴元發坂本建旗勝軍山

在北白川與松永久秀戰于白川既與三好長慶議和歸京囚晴元

于芥川經年而死。○是歲九月木下秀吉初仕織田信長秀吉

尾張愛智郡中村一名銀杏村人父曰彌右衛門母夢日輪入懷生

之故幼名曰日吉八歲而孤邑人筑阿彌織田氏微者謝病歸

耕衆因納為繼父生一男一女男長也秀日吉年及十六赴遠江

永祿元年
三好松永
作亂
秀吉出
世

明治卅六年
十月廿三日
購

正親町
五

主松下加兵衛之綱綱一作元之綱問曰汝本國所用甲冑其製

如何對曰有胴丸者異於桶皮胴於右脇結之屈伸自由也之

綱使日吉買之托以價金日吉既出行意吾借此金新制刀劍

衣服擇良主而仕他日得志則償原金耳乃謀諸叔父叔父曰

信長者當世英雄必霸天下汝往事之於是改名秀吉稱木下

藤吉郎請謁信長會信長出秀吉迎之路傍拜伏請為臣僕信

長笑曰汝顏似猴身定輕捷乃呼曰小筑以為筑阿彌之子也

壞百間許今有司急修補之過二旬餘而不成秀吉獨語曰方

今東有今川武田北有朝倉齋藤西有佐々木淺井等互欲併

吞實危急存亡之秋而今城壁壞破不能急補之嗚呼殆哉信

長聞之乃命秀吉秀吉聚吏相謀分領間為十隊每隊置頭各

掌其事一日而成信長賞其速加以秩祿秀吉乃謂信長曰此

城之水改築于小牧山可也信長恐重勞民力叱而退之爾後

犯顏竭忠○二年五月長尾景虎入京謁將軍義輝請月上杉氏為關

東管領允之且賜偏諱改名輝虎月上杉氏又請依故事得公子

一人以鎮關東弗聽乃奉關白前近衛龍而歸執政大臣移

此挾以令東陸○三年正月行即位禮毛利元就請獻其費

因叙從四位下任大膳大夫賜以菊桐記號當是之時喪亂日

久賊勢猖獗于京畿詔命及足利氏威令一無所施大內

供御屢稱之絕公卿邑入百官廩祿皆朘削不給往々解職寄

寓諸大名國留者至寄食民家朝廷衰耗極矣是以海內分

裂罔攸統一豪傑競興各自據國其尤彊梁者三十餘家戰爭

攻奪海內無虛日而元就存心天朝嘆大禮不行修大内氏

故事因有此獻天皇深賞之故毛利氏至今襲官大膳大夫

旌功万世云○五月駿河今川義元率兵四萬餘略遠參入尾

三年 景虎 關白 東陸 元就 大禮之

二年

交三國史略卷之五 正親町 五五 豐稔

張取諸城尋至桶狹間地名織田信長輕兵襲之義元敗死初信

九根警投決而起左右能屬者十餘騎步騎千餘及于熱田行

合諸岩兵得三千先鋒佐々集人等馳今川軍而死駿人獻其

首義元笑曰尾人當殲於是役乃張直衝中堅時風砂撲面雷雨

之烟令軍中日轉取山路偃旗鼓直衝中堅時風砂撲面雷雨

暴至諸將或諫上弗聽梁田出羽呼曰奇策必有奇勝師競擊

山踰嶺鼓譟而下今川麾下驚擾尾人服部小平太望見義元

進擊之義元拔刀斫其膝毛利秀高鎗刺義元獲其首級今川

軍大敗績織田兵追擊斬首二千五百級今川家老宿將咸死

○十月上杉輝虎以管領征伐為名欲削平東土帥師入上毛

連戰陷數城東土多服從焉○四年二月輝虎大舉攻北條氏

康迫小田原關東諸士叛輝虎乃引兵歸輝虎入相模一相

城主成田長康不恭舉扇搥其面長康慙憤逃歸○九月上杉

謙信輝虎削號與武田信玄大戰川中嶋是歲八月月中旬上杉謙

軍以絕要路越後軍如在於括囊中眾皆憂恐謙信顏色不變

言笑自如若也居五日信玄却濟廣瀨入海津城諸將勸謙信歸

弗聽九月九日信玄與愛將山本道鬼謀分二軍先遣卒一

知其將來戰召諸將謂之曰天文丁未之歲余年甫十八信玄

今既軍死地明日之事吾知信玄所圖彼遣前軍擊我管勝敗

皆期於吾軍濟水而退與後軍夾擊也今我宵濟吾軍出彼不

意比彼前軍未還急擊其本軍躬自與信玄擊刺矣越師之在

於此也每早作食必餘三日之糧故炊烟不起既度水甲人猶

未之知也日昇霧散則大軍既在近衆皆大愕信玄使浦野某往

觀還報曰敵退信玄言異問其狀如何謙信自來決戰即成列

犀川而去信玄曰汝言過矣是車陣也彼將自來決戰即成列

以待既而兩軍鏖戰衆隊各咸當敵不得相顧援信玄之弟信

繁及隊將諸角某山本道鬼初鹿源五等戰死長子義信被創

而却甲軍騷擾信玄與年貌相肖甲袍同裝者六人並據胡牀

不動忽有白布裹頭者綠衫乘赭白馬提太刀者直來斫信玄

信玄舉鐵團扇接之腕被二創衆士來援得免焉原大隅持

也鐵扇有八刀痕云旣而前軍歸夾擊越軍大破之長坂後

獲謙信所乘之馬旣放生駿者也謙信獨從一騎道歸越後

不復敢入信濃信玄整陣列建中軍旗擊鼓吹螺檢首級錄戰

功三奏凱歌而旋越將甘糟某樹幟於水北三日收合散卒成

五年

軍而歸或傳此戰在

天文二十三年八月○五年關白前嗣歸京以與謙信不諧也

改名前久○長宗部元親平土佐避一條大納言房家以永正中

衆乃推房家為國司境內輯穆國有七家老輔政其首曰長宗

部元秀世為獨豐城主元秀專六族作亂元秀見殺其幼孤曰

國親舉房家取而撫之既長悉予舊邑與六族平通昏娶天文中

子元親剛戾善鬪乃勒衆大破五族又滅其一四族行成房家

四傳至中納言兼家威令既衰元親有兼并之志屢攻奪四邊

厚自封殖是月舉兵伐四族悉降之威振國中元親姓秦其先

食於信之長邑因氏焉其裔如土佐常家于宗部又因氏焉時

有讚人香川氏亦居宗部而初佐々木承禎入京師據白川

天皇
詔信長

○十月 天皇遣中使於尾張託用幣于熱田祠密 詔信長

與三好氏相拒踰年河人泉人擁畠山高政假根來寺僧兵入

攝與三好實休戰獲之圍長慶于飯盛月餘五月長慶與河人

讚人夾擊大破之高政出亡餘黨降散江人聞之遁五畿悉平

曰朕聞卿威名為日多矣今 朝廷衰絀姦宄縱橫卿幸養威

力以圖 王室若能肅清輦下修整 宮闕興廢滯振乏絕使

庶尹百司各得其所策不世之勲則予一人以懌因賜奇香

暨衣一稱信長再拜誓首答曰今也大國雄藩不為少焉特賜

寶命于小邦臣信長何榮如之臣請先平濃江然後弭節京畿謹

扣 天闕以拜 命辱十一月享使者厚其賜賄遣歸○六年

將軍義輝奏請使聖護法親王道澄如藝大納言源通興久我

如豐後講和二國聽命收師○天使留藝數月又喻毛利氏與

尼子氏平七月元就疏上十事以辭 天使不能強而歸○八

月三好義長暴死蓋松永久秀毒之而長慶弗知也長慶乃取

十河一存之子義繼為嗣一存長慶之弟哀嘆廢務久秀益橫○毛利

久秀殺
義長

六年

交三國史各卷之五 正親町 五五 妻辭

七年
齊藤氏
八年

久秀
義輝

隆元將如出雲途卒

○九月元就立嫡孫輝元右馬頭後為嗣

已而元就恐兵氣以喪撓進圍白鹿熊野皆在出雲又分兵入伯耆

尼子義久亦屢出兵所在應援藝人累戰皆捷遂下白鹿退次

洗合○七年八月織田信長克美濃龍興出奔齊藤氏亡信長

徙治稻葉山美濃改名岐阜○八年毛利元就帥師入出雲攻富

田城隆元之子輝元及吉川元春之子元長年皆弱二月始帥

月遣兩川先取富田元就悅曰真吾孫也遂議進取三

城勅敵未可力爭也乃還復次洗合○將軍義輝患三好松永逼攝人或流說將

軍將有所討方治第門墻未完松永久秀曰可也五月與其子

久通右衛門佐及三好長祿日向守政康下野守岩成左通主稅助擁三好

義繼潛兵入京師十九日急圍二條第義輝親出拒之侍衛皆

死乃縱火自殺長慶之死也以義繼尚弱遺命三年秘喪未周

歲而難作其徵兵以長慶命故時人皆曰長慶殺其主事久不

白也義輝弟二人一曰覺慶為南都一乘院主一曰周嵩為鹿

苑寺主三好松永誘周嵩殺之夷川街幽覺慶於院初阿波足

利氏託二子屢求入二子乃迎義榮故將軍義植之孫于阿波義榮疑

懼未至會久秀與三好族生鬪各授甲於是反側子爭舉兵畿

甸復大亂攻戰不息○秋八月細川藤孝兵部大輔三淵伊賀守晴貞之子細川右

馬頭元常取為假子因肩奉覺慶出奔于江覺慶髮而更名義

昭○九月毛利元就復進軍築長圍逼富田益斷其糧道○冬

詔以足利義榮為左馬頭叙從五位下○九年正月松永久秀

以亟敗退保界府二月三好族大舉迫之久秀行成○夏六月

義榮叙
九年

足利義榮以舟師至攝津諸寇聞之多弭散○尼子氏受圍既七年城中食盡外絕救援人々危懼初毛利氏之逼月山也富田之山名所在置關設戍執城中逃者輒斬之因榜於城下曰亡者降者無男女少長必死城中恒怖無一人出者蓋欲亟竭其糧也已而料城中已餒乃悉撤關戍更其榜曰亡者不追降者不拒皆從寬典於是雲人爭潰舊家宰宿將以下降者相踵城中不過數百人會元就嬰病月餘不瘳兩川以元就年高恐有變乃勸降于城中秋七月義久出降尼子氏亡元就拘義久及倫久秀久送諸藝毛利氏於是併有藝周長石二備因伯雲隱世稱為十州大名○八月義榮以二條第盛假居頓田攝津○是歲明世宗殂子載屋立是為穆宗○十年二月 詔以義榮為

尼子氏 亡 十州大名 十年

義榮為將軍

信玄殺

十年

謙信義 救甲人

征夷大將軍三好長祿等求媚新將軍不禮義繼義繼恚潛奔界府○夏四月松永久秀擁義繼募兵入南都長祿等帥師擊之久之秀夜斫其營燔東大寺長祿軍潰○十一月甲斐信玄殺其子義信武田太郎初義信勇而得士心既為嗣子信玄以我女乃下義信於獄執其黨八十人誣以謀逆皆斬之織田信長聞之求婚娶甥女為女室於勝賴義信幽囚四年於是就死衆皆冤之義信妻駿河義元之妹也是歲大歸先是義元有事怒與甲絶勝賴之妻信長妹夫濃之苗木城主遠山勘太郎之女也勝生子信○十一年今川與北條合謀禁商賈絶甲斐鹽漕甲人大窘以武田氏之所統皆山國仰鹽于駿相也越後謙信聞而嘆曰夫二家不能以武加甲乃困人以卑怯下策可憎矣甲雖仇讐其民何辜因贈書于甲曰公與寡人所爭在武駿相下策寡人所惡聞自今通商販給以北鹽請信意取之遂下

武田氏略考卷之五 五輔樓梓

令賈人曰務平鹽價母有擅利既越甲水陸轉漕相接甲人深服其義○初西園寺氏避京師難適豫豫亦分裂無所統一衆推西園寺為國司實諸宇和島至其裔公廣國中益亂舊族河野通直稱彈正忠宇都宮豐綱交兵積年公廣不能制通直嘗送款於藝因求救毛利氏遣吉川小早川率舟師赴援豐綱求救於長宗部氏二月兩川與通直合兵進戰荐拔數城豐綱竟降長宗部元親出師不及而罷公廣亦奔于藝豫卒平毛利氏權令通直為守護○足利義昭之奔江也依佐々木承禎屢求入討賊會湖人作亂承禎以難辭焉居三年承禎子義弼右衛門佐與三好氏通謀將攻義昭義昭廼行及若若小而弱適越前朝倉義景不禮焉義昭益窘聞織田氏取濃新徙治岐阜壯武罕比將

義昭謀討賊

適使卜人泰華筮之遇臨 兌下坤上 之節 兌下坎上 繇曰知臨

大君之宜吉曰是為上柔下剛柔以應剛以知臨下不自用而任人不勞而治為大君得其宜其貞澤也其悔地也以地臨澤為勢也親矣下悅而上順是以元亨吉孰大焉秋七月令細川藤孝上野清信中務大輔清信一作秀正如濃請為討賊信長大悅使人迎義昭急規進取以湖南當路發使招諭之使者三反承禎弗答○先是攝諸城主以足利氏既亡也益分黨相攻八月池田勝政與伊丹茨木高槻有馬四城主戰于稻寺敗之又戰于白井磧勝政麾下荒木村重稱攝津守中川清秀賴兵衛等健鬪復破之清秀獲高槻城主和田伊賀守村重斬茨木佐渡守遂拔茨木據之○九月信長大舉伐湖南作間信盛丹羽長秀五郎左衛門木下

五車樓梓

近江佐々木氏

秀吉等奮擊城遂陷轉取和田湖南震懼未浹旬望風潰者十
八城觀音寺山城聞之亦潰承禎宵遁匿甲賀山谷佐々木氏
亡其麾下日野城主蒲生賢秀右衛門大夫獨保守以死自矢信長
嘉其節賢秀妹夫神戶盛久稱藏為濃往說之乃出降信長復
其邑○先是木下秀吉從軍亟有功因列將校累食三千石自
病其寒微而心竊慕丹羽長秀柴田勝家虓武廼更族為羽柴
至是益見任用○諸寇聞濃師出分兵戍京師將軍義榮猶在
頃田發疔暴卒廿三日信長迎義昭于軍率兵五万入京師諸
寇望風而遁柴田勝家圍青龍寺城岩成左通以城降○冬十
月信長南下攻池田城主勝政出降三好長祿政康等挺身奔
阿高槻芥川越水攝津飯盛高屋河等皆降潰三好義繼松永久

秀吉改族羽柴

義昭為將軍

秀及其族黨皆降不出數日攝河悉平信長班師次清水寺館
義昭於本國寺下令秋毫無所犯盡蠲關征徭役朝野帖然義
昭朝覲詔為征夷大將軍叙信長從五位下任彈正忠義昭
欲令信長為管領朝旨擬以副將軍皆拜辭不受曰今日之
舉臣非自為也乃令棟取畿內地又固辭但置吏於界府大津
以管之既而辭歸岐阜義昭賞賚甚厚中井積善曰義昭氏之
出名在討賊宜直取三好松永加以顯戮暴白其罪以對天下
夫然後足以酬其志京畿風靡巢窟既覆二氏實几上之肉何
難之有今乃受降容通不復以為意夫復讐討賊之實安在哉
是知義昭藉以徵富貴而已矣信長托以登雄圖而已矣然觀
信長恭謙之美法政之修猶○筒井和順昭孫順慶有膽略攻
略郡邑竟併半國是月信長令松永久秀伐筒井以自効久秀
亟戰輒克順慶乃請降于濃信長知其可用也乃許之悉予其

義昭不討賊只徵富貴

五車樓梓

所併順慶亦深結納○小谷長政淺井氏稱有湖北信長之滅
 湖南也不抗亦不服於是見織田氏日強惧求成信長悅許之
 以妹女之○十一月關白前久罷晴良二條再任關白○十二
 月甲斐信玄攻今川氏真奪駿河氏真奔遠江懸川城初氏真
 信讒家人等携貳邦俗每中元士女麗服設場踏歌嬖人義鎮
 好之以怨逼氏真氏真大悅盛行之國中靡然成風出新樣窮
 極奢侈士民男女獲裸無別氏真日夜飲賞接冬而後罷年甚
 一年民間往々廢耕織士之窮者或粥甲仗鞍馬以給其費其
 不之為者目為詭異百方陷之上下解體愁怨載路統內諸豪
 皆懷離畔信玄聞之密結駿人以厚賂及甲師至氏真親將次
 清見寺師不戰而潰氏真遁還會家人議守備無出一語者退

信玄奪駿河

今川氏

而皆逃諸城爭降氏真奔砥城甲師入縱火大掠城燼今川氏
 亡初義元作書誡氏真曰若既長未棄幼志鬪鷄走狗文武兩
 廢今而弗悛邦覆宗滅必矣氏真不以為意至是果驗中井積
 川氏先世己有庭訓語意樸實今尚行于盲俗又加以義元氏
 規戒之切寔有先見之明而氏真懵然可嘆爾古稱知子莫若
 信猶○朝比奈泰能稱備中守為今川氏守掛川地險食足乃迎氏
 真召募義勇○甲將秋山晴近稱伯耆守帥師濟大井河而西
 使人招久能城主宗能左衛門弗聽晴近攻久能參人救之
 敗于見附遠江初氏真娶相摸氏康北條左之女其子氏政稱相
 又稱左娶信玄之女生子氏直甲相方睦信玄既滅今川氏惧
 相之督過使人告駿罪且曰請與相割境富士川以分駿焉氏
 政大怒拘其使者戒嚴○十二年北條氏伐駿納氏真磔殺甲

十二年

交正國史

正親町

〇

信玄傳

三好松永之黨復圍將

信長治義昭第

使者次薩埵邦制磔刑與殺而張信玄聞之使山縣昌景守駿府親軍
沖津浦原之間及相人相距不決○三好氏黨自阿入攝松永
久秀岩成左通復畔應之入京師圍將軍義昭於本國寺護衛
皆殊死捍禦三好義繼獨助義昭擊賊細川藤孝池田勝政荒
木村重等率兵入援賊遂散走信長聞警率兵五万馳入京師
久秀左通復降餘悉逃入海信長乃論功行賞盡毀賊黨邸舍
在洛者為義昭治第就二條舊址拓其東北課畿内及二丹若
播勢參諸大名佐役信長館于妙覺寺躬親監視以至成土臣
或執畚鍤云○四月二條第成設墮塹峻門墻飾池臺聚花石
周以諸大名邸信長乃奉將軍義昭徙新第享諸大名佐役者
遣歸之○甲與相師相持累月食且盡各置戍收軍○常陸介

信長修造皇

信長謀取伊勢

源義重新羅義光裔胄世有常之佐竹因氏之關東舊族稱八
家佐竹氏居其一土豪多服從北條氏之滅上杉管領也諸豪
畔附相及甲相結兵往々復為常於是義重頗得志與北條氏
交兵不弭○信長病京師耗廢朝儀衰歇念所答昔歲朝
命首欲修造皇宮令村井定勝稱民部丞董役以民力凋瘵日久
故寬其期乃先實府庫考律令定法度而辭歸留羽柴秀吉護
京師又分兵徇但馬池田勝政伊丹親興稱大和守導之但人望風
降附遂伐守護山名氏滅之旬月定但馬而還○南朝時北畠
准后親房之子顯能為伊勢國司子孫繁衍世襲其任乘世亂
頗封殖焉七傳至中納言具教庸劣不振其子信意左中將尚弱
立之而老其族木造雄利稱下野守顯能八世之孫木造左中
將俊美之子或云木造兵庫以貞之

交正國... 王親... 五車...

林正國史略卷之五

五

五

五

庶幼為僧而好武見本宗寢衰勸其族具康左衛門佐具康同

作亂信長時之帥師助具康雄利伐勢取淺香其統內諸城主

九鬼嘉隆左馬允後等皆降雄利請為瀧川一益左近將監假子昇

其姓浦生賢秀子忠三郎氏鄉後稱飛騨守年十四武而敏悟先登

獲甲首信長大懌尋以女室之九月前圍大河內伊勢治所使瀧川

一益焚郭取禾城中糧竭具教行成請養信長少子信雄信長第二子幼字茶筥後為內大臣晚號常真為嗣妻以女許之信長下令悉撤保郭毀關

纒征以便商旅使信雄姓北畠居江而反後三年成昏云

○十月武田信玄伐相戰于三增相師敗績信玄薄小田原相

人保於駿地者往々棄城皆還救十一月武田氏轉攻蒲原河

北條綱重新三郎為相守捍禦不屈信玄曰是不可力爭可以謀

信玄伐相

元龜元年

取六日陽班師綱重空壁追躡信玄令子勝賴率輕騎間道入

其壁相人望見褫氣甲人夾擊敗之獲綱重斬首七百餘級遂

進圍駿府岡部正綱以城降信玄分兵據小山江遠○元龜元年

正月信玄攻華澤河駿拔之初今川之亡也小原鎮實獨守華澤

不下今川嬖人三浦義鎮實鎮實之子亦亡在華澤至是父子

逃高天神江遠以其城主小笠原長忠與八郎有舊也義鎮途與鎮

實相失遇土人誰何告以實土人皆曰是虐民誤國之賊乃悉

奪衣馬捶擊幾死既而裸體被苦達高天神長忠併父子殺之

義鎮臨死輾轉號呼曰劊刑唯命願免一死劊手粹頓之地以

斷其首聞者耻之長忠棄尸以餒野獸○毛利元就遣輝元及

元春隆景等自石入雲討尼子勝久與其將山中幸盛立原久

校正國史略卷之五

正親町

五

信長叙
正四位
下

元綱援
信長

網等戰于布辨大破之進迫勝久于末次勝久不能支走新山
 先是勝久分兵欲自備入藝益求援於浮田氏浮田氏助之攻
 備中諸城下之於是毛利氏令穗田元清隆景之弟稱六郎左衛門後稱伊豫守
 赴備伐諸城降敵者悉復之尼子浮田之軍不能爭而罷○四
 月將軍義昭享信長及諸大名詔叙信長正四位下○越前
 義景朝倉氏好内廢政信長自將伐之圍手筒山取之進陷金埒
 城初小谷城主淺井長政稱備前守即濃得姻益暱於是猝與越通
 謀間濃師深入舉兵斷其歸路江人多畔應之信長聞警不信
 飛報三至俱欲逃義景出兵綴之信長乃留羽柴秀吉拒之選
 兵三千乘夜趨京師朽木城主元綱稱信濃守嘗納款于濃於是聞
 其急率兵邀之信長猜其禍心不敢前元綱乃脱甲捨軍獨進

三好長
康叛

以示意遂送入京初足利氏之衰舊家人等亦皆跋扈動輒作
 亂逐主獨元綱民部少輔父植綱一心奉戴終始弗渝於是元綱亦
 不墜家聲世人美之○初佐々木氏之亡也承禎跽伏山谷及
 信長自京歸濃過千草嶺江近承禎遣杉谷善住操銃狙發中袖
 不入承禎聚群盜軍于益須濃將作間信盛柴田勝家擊敗之
 餘衆弭散○六月信長與淺井長政朝倉義景等戰于姊川江近
 克之○毛利輝元在雲數月與尼子勝久會戰驟克又伐郡邑
 畔者往々下之會元就有疾於是引還吉川元春留守富田尼
 子氏不敢動○三好康長稱山城守晚號笑岳長慶之弟與族人自阿入攝誘
 泉紀賊以叛據野田福寫信長親往討之九月足利義昭帥師
 次浦井三好義繼松永久秀次茂木池田伊丹有馬等城主從

三好長康叛

義昭軍于天滿信長軍于天王寺遂進與石山本願寺主光佐
顯戰大敗石山如坂 ○十九日越前使朝倉景鏡率兵如江與小
 谷合兵攻坂本濃將森可成稱武藏守初死之可成初仕齋藤
 氏去仕織田氏織田氏之挫駿勦濃可成皆與有功焉可成子
 長可可成第二子諸書多誤作長及蘭丸並以勇著 ○越師江師進焚大津
 醍醐山科與叡山延曆寺僧合謀斷信長歸路越前義景大舉
 繼至佐々木承禎舉兵應之軍于益須信長大愕與義昭班師
 入京師石山兵追尾柴田勝家前田利家佐々成政擊卻之信
 長次于滋賀江近義昭軍將軍塚城越人江人保于叡山信長使
 招諭叡山僧徒且曰今不從則我必焚滅赭山僧皆弗聽山僧
 素衰侈不持戒至此益收婦女貯酒肉號為犒軍公然作姦信

長滋怒 ○冬十月大友氏患佐賀師無功屢發筑後習流數千
 助之龍造寺氏使鍋島直茂逆而擊之三戰皆克又夜襲豐營
 大獲豐人築長圍守之者累月於是信長傳將軍義昭教諭結
 成豐師乃罷 ○初京西西岡人革島一宣稱越前守佐三好氏
 亂失舊采地信長為復之一宣奮欲自効於是因細川藤孝謂
 信長曰請率其族入越擣虛以撓之信長悅許之一宣乃與子
 秀存忠宜騁至丹後招喻海盜以舟師抵越前縱火攻陷郡邑
 義景聞之始惧 ○十一月承禎降濃越人勢益屈且患北地雪深
 因義昭行成 ○初甲人屢侵越後又從濃參之鄙於是上杉謙
 信使人於濃師請通好以圖甲信長許之迺與越後連和而與
 甲聘問如故義昭親抵湖上園城寺居間三國 天皇亦下詔

二年

竹中半兵衛多智

元就卒

平之十二月 天使如師信長與越江交載書各罷歸○二年
 春正月初信長略勢與神戶藏人盛久平以已子信孝稱三為
 其義嗣於是盛久如濃賀正信長誣以叛拘而幽諸日野江○
 五月淺井氏舉兵令攻鎌羽江近羽柴秀吉自橫山潛兵抵鎌羽
 血戰破之濃江復絕信長知濃人竹中重治稱半兵衛多智慮命從
 秀吉參畫軍務時年未壯秀吉引為腹心每事咨諏重治亦傾
 心結納爾後秀吉累勲股肱於織田氏者重治羽翼之功居多
 ○六月十四日大江元就卒年七十五嫡孫輝元嗣 詔贈元就從三
 位元就有宏度重節義勇而多膂力起自吉田三百貫併山陽
 山陰十國旁善國詩有集行世○先是尼子勝久聞元就疾入
 伯拔諸城山中幸盛據有末石雲出四出鈔略及聞喪勢頗張於

信長焚滅延曆寺

是吉川元春自奮曰盡敵以慰先考之靈其功德愈於供佛飯
 僧矣乃率兵一万進勦欲攻末石聲言入伯而拚之幸盛計窮
 而降元春命囚之幸盛佯病逸自圍奔作元春進攻新山城兵
 潰勝久走隱遂奔京師其兵卒或降或遁雲伯悉平元春留鎮
 于富田幸盛適伯謀再舉不得意亦奔京師○八月信長伐江
 九月取新村小川三日取金森初信玄欲圖霸京畿密納款於
 足利氏與越江及叡山僧徒結將以圖濃信長聞之益憎山僧
 十三日進攻叡山下令曰此行夷滅延曆寺使無噍類矣延曆
 遷都之初創斯寺以鎮王城故諸將僉懷疑懼信長曰我倡
 勤王之師風纒露沐殆無虛日髮豎之破律亂政是國賊非
 私讐且其盤據猖獗既非一日今不誅夷必貽天下之患遂分

正親町
 五
 五

山陽... 卷之五... 五車... 兵四面合圍縱火燔伽藍悉捕僧侶併其所蓄婦女童幼皆斬

禁城成

三年

之山谷為空乃藉其田予明智光秀使城于阪本而還中井積善曰昔者淳屠最澄鼓鬼門鎮護之說以蠱惑聖聽闢峻嶽劍巨刹窮土木殫民力帶洛控湖車其美利食邑寄田所在契牙徒侶三千勢踰王公坐享富貴殆八百年矣其少有所屈撓輒舉兵要命塵及鳳闕者莫世無之虎捫梟磔朝廷不能制焉使列聖肝食宵衣或至發鴨水采齒之噴甚矣異端之害也天誘其衷藉手於濃千歲之頑弊深患一朝而剷除不亦快乎今也雖遺址再構而其勢委靡非復前日之比則織田公嘉惠之所覃為遠矣但其暴刑濫殺發乎忿恚之餘不免失人君之度然彼徒稔惡之久亦自取也巳當時學術湮晦歐陽氏所謂八尺之夫勇蓋三軍而見佛則拜者天下皆是也自非確然弗畏如織田氏者其孰能與○是歲禁城成信長欲置供御之於是君子藪非采之可矣

豫兵伐

義昭無道

四年

西園寺氏出兵伐土佐一條氏一條兼家乞救于豊後大友宗麟欲因圖豫夏四月豊師伐豫救之西園寺公廣懼而收兵行成許之仍留數月略諸城半國服從乃引還○秋七月信長伐小谷連戰破之小谷乞援于越前越師救小谷次大撞八月將軍義昭諭濃越弭兵○義昭無道信長以書諫疏其不朝天子不撫諸大名賄賂公行賞罰私斷冒貨利窮土木昵細人事微行等十七事義昭弗懌○是歲明穆宗殂于翊鈞立是為神宗○四年春正月先是信玄大舉伐遠信長救遠信玄乃遣使責讓之信長謝曰敝邑有事於四方遠人每援之今其求援寡人不敢不力以全善隣之誼已敢忘前好信玄怒絕和好濃甲交訴於義昭義昭右甲○二月將軍義昭忌濃強欲圖之竊議

義昭無道... 四年... 西園寺氏... 一條氏... 一條兼家... 乞救于豊後大友宗麟... 欲因圖豫... 夏四月豊師伐豫... 救之西園寺公廣懼而收兵行... 成許之仍留數月略諸城半國服從乃引還... 秋七月信長伐小谷連戰破之小谷乞援于越前越師救小谷次大撞八月將軍義昭諭濃越弭兵... 義昭無道信長以書諫疏其不朝天子不撫諸大名賄賂公行賞罰私斷冒貨利窮土木昵細人事微行等十七事義昭弗懌... 是歲明穆宗殂于翊鈞立是為神宗... 四年春正月先是信玄大舉伐遠信長救遠信玄乃遣使責讓之信長謝曰敝邑有事於四方遠人每援之今其求援寡人不敢不力以全善隣之誼已敢忘前好信玄怒絕和好濃甲交訴於義昭義昭右甲... 二月將軍義昭忌濃強欲圖之竊議

義昭傳

戰備細川藤孝三諫弗從信長聞之使人謝且請盟亦弗聽遂
 舉兵令諸將城于石山堅田江並信長乃遣勝家長秀光秀等攻
 石山下之尋取堅田信長帥師西上細川藤孝荒木村重抵相
 阪納款師入京師夏四月縱火所在觀兵以求和義昭不從進
 圍其第義昭不能拒遂行成信長見義昭懇請其改過自新義
 昭黽勉聽從信長乃還料和議復敗令長秀陰造戰艦於湖賞
 細川藤孝以長岡京師治于青龍寺因以長岡為氏及子忠興
 稱與一郎後得大祿乃復舊云○武田信玄死年五十三以子勝賴
 嘗承諏訪氏後擬勝賴子信勝郎太為嫡子令勝賴立而舉之遺
 命秘喪三年蓋為因疾而老也乃預具空頭華押數百紙以備
 四方書問以弟信綱號孫六郎晚號逍遙軒綱一作連狀貌酷肖也親姻使命

信玄死

訪疾者令之暮夜接見故列國久不審其實信玄豪武善戰權
 譎無比能遠色輕財以總攬群士頗有才思好讀書善和漢歌
 詩去年所作詠松間花和歌後人以爲信玄佛說愛禪理而爲人
 殘忍操下酷烈嚴刑濫殺自知取怨多懼北墓為人發堀乃命
 造石棺擐甲以斂密沈諏訪湖心云中井積善曰嗚呼信玄追
 容誅也久矣世傳信玄嘗讀論語未卒數章拋地曰是病痛之
 書終不復讀其自羞之深可知也然列國恬然通好修盟初不
 聞聲罪之舉時有侵伐亦唯城池之爭已名教掃地哀哉且以
 其智力過絕長于軍事也咆哮猖獗所向無前雄飛于山東數
 十年自以為得計海內引領思欲效之亂庸有極乎後世談兵
 者祖述其法肖像尺祝究其欽仰惡亦何心與善戰者服上刑
 古之制也矧於凶逆之徒乎信玄免天誅○秋七月將軍義昭
 復舉兵壁于槇島治留諸將守其第信長乃以舟師直前入京
 師遂取二條第人以為神轉攻槇島令曰是行殲之大戰破之

信長放
義昭

遂圍而執之。義昭窘窮，求減死。信長令羽柴秀吉放諸河內，詔削其官爵。義昭尋奔紀。中井積善曰：義昭在昏不足道也。已克之，私肆其毒螫，諺所謂忘暑則忘陰者，非耶？濃之於義昭也，分既非君臣，恩誼無雅素，然奉戴資給，不為不謹也。匡翼以正，不為不厚也。啓釁自彼者，再矣。不得已而應之，乃放伐之舉，不足以為病濃也。易曰：負且乘，致寇之至。爭奪之世，以非人據大位，乃速之乎。初，濃師之西燒殘輦下也，及班師，乃下令修廬舍，蠲賦役，民以安集。令村井貞勝稱長門守又為京師所司長岡藤孝修青龍寺城，以備餘寇。遂徇湖北，取木戶田中。○岩成左通欲復義昭，據澱山和田惟政稱伊賀守據芥川津攝。信長遣長岡藤孝攻澱，與左通戰。左通以膂力聞，藤孝士下津權內勇善泅，輅左通故退至河橋，相搏墜水，馘之。而出城，乃陷荒木。村重攻芥川，拔之中川清秀稱瀨兵衛。馘惟政。初，村重之謁信長也，請

天正元年

以其兵定津，有所得。信長愛其豪爽，許之承制，任攝津守。自隨入京師。其再舉也，檄召畿甸諸大名。村重首以其甲會之。圍二條，攻槇島，皆有功。池田城主池田勝政觀望不至，及事平也，懼棄城遁。高野其統下諸豪多屬村重。村重併池田有之，伐其不服者，悉滅之。○是月，詔改元天正。○八月，信長取月滿江越前。義景率兵三萬救小谷，軍于余吾湖。分兵守大撞丁山寨江並。濃師攻二寨，下之。義景焚營遁。信長望火，輒以輕騎直馳。及之，刀根山下。佐々成政前田利家先驅，獲朝倉治部及齋藤龍興。初，龍興失國，在攝三好氏及一向之亂，舉兵應之，不得志。遂奔越前。至是，併命濃師乘勝而前，連戰及敦賀，斬首四千餘級。望風潰者十餘城。義景歸一乘谷越前。治所則衆悉逃，其族景胤景

木末四明取我老五

健等三郎景胤其子皆出降義景奔亥山越前信長軍龍門寺分

兵大索誅斬甚多亥山守朝倉景鏡稱式部大輔畔迫義景義景自

殺十四年朝倉氏亡義景之先原日下部氏世仕斯波武衛文明

中其裔敏景領越前始列大名數傳至義景云景鏡以義景首

及幼子愛王如濃師信長梟首京師殺愛王收其族悉斬之使

降將前波長敏九郎兵衛後稱播磨守假守越前信長班師途遂陷小谷

羽柴秀吉與淺井久政稱下野守備前守長政之父戰斬之進圍小谷九月

長政送室織田氏及三女子于濃師而自殺淺井氏亡信長梟

久政長政首於京分其田與秀吉食二十二万石先是佐々木

承禎子義弼稱右衛門佐據鯨江江近以應小谷濃人亟伐不下信長

令柴田勝家攻鯨江義弼逃江平捕承禎客善住竹鋸斷其首

朝倉氏

淺井氏

秀吉食
二十二
万石

土佐一
條氏亡

義繼伏
誅

承禎匿石部江近○長宗部元親專橫頻年用兵伐異已者盡

滅舊族家老土佐七郡佛其六以幡多一郡供其主中納言兼

定已而設計逐之是月兼定奔豐依大友氏元親陽以兼定子

內正為主以女配之亡何徙諸醜地卒醜之一條氏亡元親既

自為國主求好於織田氏浮田氏以自固中并積善曰織田氏

傳為信長若浮田直家長宗部元親皆當身為之今也三國締

交臭味相投古所謂同惡相與如市賈豈不然乎一時凶談似

不可當焉者然他日信長當身而亡直家元親皆一傳

而亡前後之揆甚矣其一也好還之天可弗畏也與哉○十一

月濃師圍三好義繼稱左京大夫于推江攝津技之義繼自殺○是歲

長島一揆之賊築于西形尾張別所片岡並伊勢四出剽掠信長遣

兵討之屠別所片岡遂徇勢而還甚兩及之兵多凍死長島出

射手三千依阻隘叢射濃師敗績○初日向義祐伊東氏稱大膳大夫與

交正國史略卷之五

正親町

五直書解

薩國始強

二年信長任

參議東大寺名香

薩摩貴久薩摩守稱交兵積年義祐亟克悉平隅地竟割薩半
 既而義祐貴久相尋皆歿義祐之子祐久稱民部大輔柔弱不競貴
 久之子義久稱修理大夫剛武國始強累戰盡復侵地遂取隅是歲
 率師入日向與祐久戰大破之獲其良二十人伊東氏遂衰○
 二年春二月信長入朝 詔叙從三位任參議信長奏請剪東
 大寺黃熟香待者遂適南都 天皇令大納言資定日中納言
 言雅教飛鳥益焉從故事○三月茨木城主荒木村重攻
 伊丹拔之改城之徙治焉引中川瀨平高山右近為腹心已而
 高槻多田三田有馬諸城主皆服從威振國中○四月信長自
 南都還大坂有賊遮路擊走之進取其麥留作間信盛屯天王
 寺○長島一揆賊恃嶮鈔暴益甚又築于篠橋鳥井矢島中江

皆依山帶水七月信長率師討之與賊戰于小田松樹渡皆破
 之分兵圍諸寨信長子信忠及九鬼嘉隆以舟師繼之信長親
 圍長島八月二日夜大風兩島井賊遁柴田勝家等追擊斬男
 女二千餘口舟盛其耳鼻送之長島賊破膽長島賊以舟追濃
 師設覆岫下以銃迫焉死傷過半餘眾數百棄舟裸身衝濃麾
 下殊死而戰族屬多死賊潰圍奔大阪信長以其地與瀧川一
 益食北勢五郡○初尼子勝久自但入因山名豐邦復畔大江
 輝元應之勝久轉鬪拔十餘城遂攻象市因幡大坪一之稱甚為兵衛
 藝守亟戰破之勝久累月不得前據鳥取因幡以招諭諸城國中
 多屬一之乃棄城奔藝○信長發使者於四境均道里植行樹
 通津梁蠲關征四民便之○浮田直家與松山中備三村元親稱

信長復公卿祿

輝元乃使隆景援之會戰踰年○足利義昭居紀歲餘困蹙日甚去適備前浮田直家不禮焉三月適備後輝元迺與信長絕館義昭于鞆後備令統下諸大名往執謁門復見鞍馬○信長朝京師時公卿益窮粥采以自給信長為贖之悉復其舊故駿河主氏真遊寓畿甸忻羨濃之盛大不復念深讐遂如京師夤緣執謁獻其遺寶氏真善躍鞠信長乃迎朝士命家人使之對戲氏真忻然而往聞者醜之○三好康長據高屋河內以應大阪其黨所在充斥信長將兵自京南征連戰破之縱兵取攝泉之麥康長降河內悉平乃令埒直正九郎左衛門埋所下城湟○五月信長與武田勝賴戰于參河長篠參師會之勝賴大敗○冬十月

信長為權大納言右大將

信雄為左大將四年

信長入朝信長為內府

信長入朝石山請平信長知其難猝殲許之○十一月詔以信長為權大納言兼右近衛大將其子信忠任秋田城介先是信忠叙正五位下○伊勢比叻具教導濃約迎養子信雄于大河內立之令其子信意遜居田丸自遷三瀨詔以信雄為左近衛大將○是歲前關白前久近衛公如薩摩經二年○四年初信長欲居于江大營安土牙城既成於是徙治焉遂命築羅城務致顯嚴使子信忠居岐阜詔叙信忠從四位下尋許昇殿信長為政傷於嚴酷然令行禁止吏民一切奉法銖兩之姦不得有容闔境無盜外户不閉暑月行旅憇林樾者皆舍橐而睡時以為亂世一奇矣○四月信長入朝十一月復入朝○兼孝為左大臣九條公內基為右大臣一條公信長為內大臣叙正三位○北畠中納言具

交王國

正規町

五車樓

北畠氏

五年

松永久父
子伏誅

教已偏於織田氏舍其子信意而授國信雄心不能平欲以甲
 師除信雄議泄信長饗具教伏甲殺之遂伐滅其十三族滅信
 意一死放之長島北畠氏九世而亡○薩摩義久伐日向日向
 諸城望風降潰伊東祐久奔豊後依大友氏義久乃併隅日○
 是歲蠻船抵豊後貽大煩二於大友宗麟其傳遂廣云○五年
 信忠叙正四位下○二月信忠信雄信孝討泉紀貝塚雜賀等
 一揆諸酋皆降○九月松永久秀彈正以信貴河叛信長使子信
 忠討之十月軍鋒細川藤孝明智光秀筒井順慶攻片岡河藤
 孝子忠興倡先登師從之遂拔之信忠進圍信貴久秀遣人乞
 救本願寺其使者舊仕於順慶順慶因獲其情發卒二百為大
 阪援兵入城為應一鼓陷之久秀放火自殺會其子久通誅之

信忠為
左中將

秀吉就
國播磨

信長為
右府

夷其族信長賞順慶功舉和與之○詔信忠叙從三位任左近
 衛權中將○初播磨人赤松義祐義村之子別所長治小三郎小寺
 政職藤兵衛等患藝備強惧見芟夷送款于江以自固政職使黑
 田孝高小寺官兵衛孝高後復黑田為行人因羽柴氏羽柴秀
 吉善視之孝高父宗圓佐政職有功政職治吳著宗圓築姫路
 居之信長予秀吉以播磨因圖西土於是秀吉就國抵吳著政
 職中悔出奔備後黑田父子迎謁避城以待秀吉辭之孝高曰
 公欲定治所莫若姫路也臣等父子當別營耳秀吉從之秀吉
 器重孝高引為謀主予穴粟播磨半郡次年大城姫路云○十一
 月兼孝九條辭左大臣內基任之信長為右大臣叙從大納言
 昭實二條為內大臣○秀吉以黑田孝高為先鋒攻佐用上月並

本邦... 五車樓... 磨孝

六年

信長復朝儀

謙信死後越後大亂

二城拔之宇喜田直家出兵赴援亦擊卻之備師攻阿閉... 高入城接戰大破之既而備兵襲上月取之置戍而去... 正月 詔右大臣信長叙正二位其子信忠叙正三位信長憂... 朝廷歲時諸儀多廢缺獻贊舉行... 謙信為治傷於嚴酷任意殺戮人不自安然性廉而重信善... 用兵是以開拓土境併二越能佐分賀飛上毛威令遠布四隣... 畏憚及與信長有釁遂有爭衡中原之志乃將大舉西上治嚴... 已定病風暴死云... 中井積善曰兵家之祖述謙信氏猶信玄... 未嘗有成武後嗣亦罔攸論著焉今名其兵書蓋皆係偽撰... 嘗徵諸羽藩文獻者如此為容者之托笠原猶且妄意增損... 其直者多矣矧初亡所據乎要不足信也謙信論曰古今英雄之士... 故予揭斯說以被惑矣○松苗嘗著謙信論曰古長尾謙信是... 有才勇超于萬人而終身之為倖於兒戲者矣如長尾謙信是... 也夫永元之際 皇室衰弱霸主喪權勇將智士割據郡國虎

視狼咆互相吞噬謙信以大名庶孽崛起於其際摧堅挫銳前... 無勁敵併據北越數州而與甲之武田機山接壤機山突葉名... 將身經百戰跨有五州世稱其用兵彷彿於孫吳也謙信年未... 弱冠與之爭雄兵連不解者十餘年矣未嘗挫衄其鋒也如尾... 之織田相之北條帶甲十萬疆土千里莫敢與之抗其諸雄... 猶群羊之於猛虎垂頭搖尾喘々伏息而已是可見其智足以... 決勝敗勇足以智群雄豈可不謂之超於萬人者耶然觀其... 平生所為則祝髮披緇不畜妻妾不茹葷腥儼然持律僧也而... 至行軍略地則殺人盈野血流為河未嘗有勤王濟世之志... 矣加之棄祖先之胤養螟蛉之子其屍未寒生禍閱牆與國破... 祀絕者僅一間也已智計雖多乎膽勇雖壯乎徒足以行強暴... 於一世已自有道君子觀之不亦兒戲耶古人所貴於勇者其... 以能立義也所貴於智者其以能知道也謙信之才略而苟能... 知道立義則桓文之勳可建焉惜夫其不學無術而闇于此也... 初謙信因武事佞佛歲時每修法會以祈冥助持戒終身因以... 亡嗣以相之氏政弟為子命以已舊名曰景虎又收姊夫長尾... 政景前守孤為子曰景勝寵秩相匹及卒二子爭國景勝在春... 日山治所杉氏景虎出據北河國人樹黨相攻越後大亂景虎請

交三國史各卷之五 正親町 五車樓

救于相相怯懦許而不出信長乘越後釁遣神保正武稱越中守信長夫帥師伐越中○三木播磨城主別所長治畔信長與秀吉絕長治赤松氏庶族累世以武顯於是四近城堡皆應之秀吉圍三木分兵攻略諸城接戰不決○四月晴良二條辭關白信長辭右大臣右大將○先是尼子氏據上月浮田直家乞師于藝欲兵殪之毛利輝元親將次松山中備令元春隆景勒諸將進軍于根山播磨分兵圍上月直家命諸將會之羽柴秀吉留諸將當三水自救上月信長使荒木村重助之兵總四万抵高倉山播磨隔熊水而陣持重不敢出信長更發兵四万令瀧川一益明智光秀筒井順慶將以援之○信長又遣子信忠信雄信孝帥兵三万為秀吉後援藝師益峙糧食築長圍為久屯之計○六月藝

尼子勝久自殺

師涉熊水與江師戰于高倉山下江師不利信長料其不易敵喻信忠避銳江師退次書寫山播磨信忠信雄轉圍別所氏屬邑神吉播磨信孝圍志方播磨踰月皆下之○藝師攻上月益急尼子勝久力屈秋七月自殺出其兵城陷立原久綱奔江山中幸盛就囚尋見殺○八月信忠案視三木列鄔壁命諸將守之令秀吉統之而還○初浮田直家心持兩端藝師之出稱疾不親會之藝人多猜直家聞江師滋至乃發間使送款於信忠及江師既退上月不守稱疾癒如藝師賀捷藝人或請拘之元春欲許之隆景曰釁不可從我啓焉乃罷歸直家請享二帥於八幡城備前欲伺間以圖之先期或告藝人曰八幡之饗幕有甲矣元春隆景蓐食而發留使者令謂之曰聞之道路公欲以二人之元

小西行
長出世

為上國之獻以戎事之未復命於寡君也敢辭享直家乃決意
即江羽柴氏微時每館於壽德氏深德之壽德子彌九郎為岡
山賈人義子有機警亦嘗與羽柴氏狎直家遣使者于京師價
壽德行貨於江諸貴壽德曰欲右府親暱乎莫若因羽柴氏直
家聞之令彌適三木見秀吉喜為言之信長延見使者
厚賞遣之使者遂發幣於公卿庶尹彌往反京畿措辦其事周
旋甚愜既而秀吉愛彌才召而祿之彌好兵後從軍屢有功
寵遇日熾是為攝津守行長壽德又號如清初稱清兵衛 ○
十一月兼孝為關白內基為左大臣 ○大友宗麟伐日向納伊東
祐久島津義久禦之戰于高城川大破之宗麟逃歸祐久益不
得志尋走周遂奔京師 ○荒木村重稱攝津守叛織田氏據攝津伊
丹城信長自將討之秀吉聞之潛自三木如師請親往說村重
許之秀吉造伊丹開諭再三村重不從群下請殺秀吉曰是斷
江一臂也村重弗聽曰渠重交契秉信義輕身以來殺之非夫

死 霸主不

信長圍
伊丹

迺厚禮遣之執手揮淚以別秀吉再使黑田孝高往村重從而
幽之以示絕秀吉及反三木孝高不屈夷然起卧一室村重亦
不加害 ○十二月信長合兵圍伊丹焚其郭而入四方蟄附而
登村重拒卻之水野重次死之或把槍乘墉後無繼城兵
不足惜但有老母鄉里貧困無他兄弟我今日而死母明日而
餒我欲以微功資粗糲不知無繼誤進至此冀免一死得以終
養辭色悃悃象相視而斂兵村重聞之曰孝子
也予金使人送出諸門問其名居不告而去 信長患力取勞
師乃下令為長圍列鄔堡斷其饗道令子信孝及瀧川一益池
田信輝蒲生氏鄉等分戍而還 ○上杉景虎亟求援于相氏政
乞師于甲是月勝賴率兵二萬納景虎勝賴室景 上杉景勝懼
因長阪長閑跡部勝資賂以上毛之田及金曰事就請以國屬
焉勝賴受賂而還氏政怒與甲絕 ○薩之破豐師也肥筑震動

交正國史各卷之五

正親町

二四

五車樓梓

七年
實授博
學

林正國史略卷之五

諸城主往々與薩通肥前隆信帥師徇南筑至此略定之○七年正月內大臣實枝薨號三光院西三條實隆之孫公條之子繼父祖業學兼和漢○甲師助上杉景勝相師救北河景勝與甲人夜襲北河陷之景虎自殺相師不及而罷景勝遂得勝勝賴女以其妹○秀吉圍三木周歲別所長治不屈二月十一日味爽長治出兵二千襲擊秀吉與弟秀長小一郎秀長秀吉異父弟後大和納言邀擊大破之斬首八百獲其良三十人秀吉之出師竹中半兵衛重治每從知莫不言任遇日盛於是嬰病就醫師於京數月而弗瘳因言我即不起寧殞身于行間乃病復諱尋死秀吉嘆惜撫其孤重門及得志列之大名稱○初別所長治與荒木村重通自山路潛出兵築淡河丹生山置戍以為兵庫華隈聲援於是秀吉夜乘風雨襲丹生一鼓拔之淡河定範以其甲數百守淡河聞之曰羽柴必來

北馬亂

信長賞
孝子
丹波秦
氏亡

乃布蒺藜樹鹿砦以待秀吉果使秀長率兵五百攻之定範預募民間北馬得數十匹乃放之敵陣鼓譟隨之馬相狂騰蹂藉步卒陣亂大敗定範曰秀吉聞敗必以大眾來力屈而遁耻也遂悉兵入三木秀吉命加藤光泰絕三木餉道城中始窘○毛利輝元怒備貳也率師伐作直家惧乞救於秀吉秀吉辭曰三木戎事未聞姑蒞敵及國而後往藝師拔作五城守將皆奔備望風而潰者四城直家不敢出藝師徇備中而還○信長及信忠如攝案視伊丹圍成以持重留止累月遊多田箕面以示暇豫○京師市人宗運事親至孝信長聞之召賜穀百石復之終身○初秦秀治有丹屢抗江人信長連歲遣明智光秀伐之不克五月復遣光秀自東丹入羽柴秀長分三木軍入西丹共攻

正親町

正親町

正親町

信長賞賊子

拔十餘城獲秦宗長稱主殿助宗定稱美作守等六月光秀遣人招秀治以母質之秀治乃與弟秀尚來見光秀伏甲禽之檻送諸江信長磔殺之丹人聞之磔殺光秀母信長令光秀擊秦氏黨悉平之乃移丹治於龜山中井積善曰光秀餌母以邀功狗鼠不食從之問唯利之視三綱絕矣九法淪矣悲夫世俗或設忠孝兩藉士林然其母皆誤墜敵手也從違之幾決於不得已之日與挾詐術故意寘母于死地其踏逆節者夙然異科光秀豺狼為論已織田氏之心將謂苟有功者雖犯五逆而我必賞之則宗運之衰與今日賊子光秀之賞何不相似之甚也蓋鄉者好懿之良心觸發不可停而無私念以沮之今者先之以怒氣乘相反至於若此可勝嘆哉易稱懲怒望欲善矣夫

○先是浮田直家間藝師之罷入作復二城吉川元春馳赴之至則去矣乃退屯富田○初羽衣石伯城主南條宗勝稱豐後守為尼子勝久

伊丹城

所逐因藝師得復歸深德之從元春于師數有功臨死囑曰忘藝惠者非吾子孫及子元續稱伯守豔信長日大密送款命其宿臣山田直重稱雲出固辭怒欲兵之直重奔藝元續乃盛修守備於是元春遣子元長稱少輔廣家稱民部大輔取羽衣石禾率師繼之戰於長瀬川大破之遂北燬其郭列寨置戍而還○伊丹受圍日久外援不至糧食且竭荒木村重廼留將士守城與左右數騎宵出奔尼崎遂如華隈告急于藝藝人以道路梗塞不能援焉○冬十月信長聞村重定遁馳如攝命諸將鼓衆凌城十一月城陷黑田孝高復歸能勢三田等城皆降潰信長乃夷荒木氏男女少長死者六百七十人以攝予池田信輝令信輝及其二子之助稱紀伊守輝政稱左衛門後備前宰相圍華隈○三木城主

長治驟求救於藝藝辭以道梗乃發舟艦送粟藝人報三木約
 斫敵營乘其擾以納糧夜襲平田寨守將谷衛好稱大死之長
 治率兵三千逆饜羽柴秀吉與長治大戰于大村長治將魚住
 源吾健鬪秀吉前軍將堀尾吉晴脇阪安治竟進擊之安治斬
 源吾秀吉麾眾乘之長治族十人與其士百餘皆死淡河定範
 傷而退顧見有追者卧地佯死追至欲馘之定範猝起殪數人
 眾驚散定範笑曰我今實死乃自殺長治脱走入城秀吉移壘
 偏之已而城中窘罄宰馬而食○自足利義昭之敗二條第久
 廢信長屢入京師謙讓不肯館焉是歲修之於是乎成廼獻之
 以為青宮廿二日皇太子諱誠具儀仗以徙○初長宗部
 元親用師于豫自春涉冬轉戰皆克下十餘城十二月國司西園

信長修
 足利二
 條第為
 東宮

八年
 別所氏
 七

寺氏請平河野通信等皆降附豫悉平○八年秀吉益薄三木
 縱火城下分兵悉拔其屬城城兵餒不能鬪長治知不可為請
 自殺以宥其士卒死秀吉許之十七日長治與其弟及叔父三
 人放火自裁三木平秀吉遂入但攻竹田不克置戍而還信長
 以三木益加中川清秀采邑併食石三萬石清秀令子秀政稱右衛門大夫居
 之信長妻秀政以其女○初秀吉使直家城于兒島備前以備于
 藝直家俾弟忠家七郎兵備基家與太守之於是毛利輝元遣穗田
 元清隆景弟稱伊豫守攻之二月基家與元清戰敗死○輝元再遣隆
 景攻兒島浮田忠家告急于岡山備乞師于姫路秀吉令淺野
 長政率舟師赴援隆景引還信長聞藝師荐出使明智光秀長
 岡藤孝救兒島不及而罷○秀吉率師入因攻鹿野下之山名

信長修男山神廟

豐邦女及其將士質子皆在城中。收之而還。吉川元春自富田
赴救不及而罷。○是月信長奏修男山神廟。○是月攝津悉平
○秀吉再率師徇但攻陷諸城。山名宗仙以出石降。但平遂入
因使謂鳥取曰。如降舉國與之。不則悉斃。殺所得質子。大眾圍
城。屠戮不遺。山名豐邦欲降。群下固諫曰。尼子之難。我反覆殊
甚。而藝皆枉全之。今復背其恩。狗鼠將不食餘質子。寧足顧豐
邦心愧。不得已。辭使者。秀吉乃合圍樹砒柱於城外。悉縛其將
士。質長槍擬之。以招城中。皆弗從。秀吉怒。命殺之。極其慘酷。又
縛豐邦女。擬之三日。豐邦乃造軍門而降。秀吉責其遲割。因二
郡與之。盡收其將士。邑遂徇國中。而還。鳥取將士皆怨。具狀報
藝。豐邦益媿。尋契擊奔姬路。○一向之亂。作間信盛屯大阪五

九年

歲貪利。玩寇。信長數其十餘罪。逐之。八月信盛奔紀。後二年死
於熊野。信長召其子正勝。祿之云。水野信元之死。信盛之讒也。
至是信長始知其寃。乃使其弟忠重稱藤十郎領舊邑。○立花
城主戶次道雪丹後守。繼連。晚號道雪。岩屋城主高橋紹運主勝。正鎮。種。晚號紹運。
皆大友氏族。為豐鎮。統前。協謀戮力。近制。秋月種實。筑紫廣門
等。遠抗龍造寺隆信。國中急乏者。赴接納糧。大抵無虛時。道雪
又憂豐。昵佞臣。崇左道。贈書其家。老諫之。其言切至。宗麟不悛。
○九年。越後景勝遣兵略越中。賀人舉兵應之。守護作間玄蕃
擊走之。○山名豐邦之遜也。其宿臣皆不從。求守于藝。藝遣牛
尾春重大藏左衛門如鳥取。春重出略近邑。告歸。鳥取請代。於是使
吉川經宗稱式部往。又城丸山。以為之援。○織田氏將佐々成

校正國史各卷之五

正親町

五重樓

信長大志

政擊定越中。信長就與之丹後亂。信長密與細川藤孝議誘一色義定稱左京大夫殺之。田邊後丹城主一色藤長稱式部少輔棄城降。○信長以秀吉既定播但令大舉圖西土。夏六月秀吉將兵六万入。因秋七月使美濃守秀長圍丸山。自圍鳥取數重。信長發兵一万助之。備直家遣兵八千會之。○四月兼孝辭關白內基任之。一條○九月信雄帥師伐伊賀筒井順慶以其甲從焉。分七道而入。拔十餘城。伊賀悉平。信長以與信雄分一郡與信包信長弟。自足利氏之亡織田氏日大。朝廷倚賴焉。至此身躡台鼎并國二十。地望既具而慨然有大志。特以威令未被。西東為憂。不以從踵足利氏虛號為榮。朝廷亦揣其意未錫命也。○鳥取已困。數告急于藝藝。以豐備伺隙。南條未平而四境

十年 信長改作內外宮復舊制

多戍也。召募歷月初。毛利氏使元春隆景分轄山陰山陽。元春乃曰。因在我管内不可不先往。遂以其甲六千入伯。以埃後軍。冬十月輝元與隆景率師抵富田。鳥取糧盡人相食。吉川經宗與丸山守將及鳥取舊臣自殺。以出其士卒。元春抵馬山聞之。乃留而舍秀吉。進入伯助南條氏軍于鵠山。與馬山相持。元春命撤歸路。舟梁以死。自矢時北地雪已深。秀吉曰。天寒敵勅未可冀也。十一月班師。徇因定之。而還藝師亦罷。○先是鳥津龍造寺爭肥後。戰鬥累月不決。於是行成分地。以鷹背河為境界。而罷。○十年正月浮田直家卒。秀吉為請於江。令其幼子秀家八郎秀家後中納言左兵衛督嗣。秀吉撫之甚厚。○二月前關白前久為太政大臣。○信長奏修伊勢內外二宮。初天武天皇詔每二十年

改造 兩太宮行遷宮儀著為永式後世衰亂相尋 王室衰

細 兩宮頽圯典故不舉者數百年於是信長新之悉復舊制

○初武田信玄與福島濃城主木曾義昌稱伊豫守交兵多年

及其併信也義昌行成信玄妻以女及勝賴嗣屢加繇役比年

滋甚民不堪命義昌遂貳乃密送款織田氏曰君倘有事于甲

願為前驅信長疑其詐謀求質子義昌即奉命信長悅遂戒師

期信人或因阿部忠高稱加賀告變于甲勝賴怒將出兵忠高曰

福島絕險不可力取臣請往關說緩其反計君潛兵掩之則一

舉可禽也勝賴弗聽遣信豐信盛仁科五郎又稱薩摩守勝賴弟將兵五千急

擊之月雪躡嶮手足龜傷二十八日義昌大破甲師于鳥居嶺

二月勝賴帥步騎二万次于諏訪濃信長大舉伐甲信忠以兵

五万為先鋒從岐蘓入參師會之北條氏政以兵三万次境上

為其聲援勝賴聞之令諸將分守險要瀧澤尤險下條信氏稱伊

守之江人患之六日信氏部將叛迎江前驅川尻鎮吉稱與兵衛後

前稱肥信氏乃遁十四日松尾濃城主小笠原信嶺稱掃部助以城降

江飯田小山並聞之皆潰十六日木曾義昌再破甲前軍于鳥

居嶺獻捷於江師信忠分兵助之軍枯梗原濃勝賴尚在諏訪

日會諸將議戰守左馬頭信豐稱病不會眾議不決將士解體

○二十日信忠抵飯田前驅鎮吉轉鬪深入武田信綱守大島

濃信衆驚而潰信忠移軍于飯島濃分徇國中信人苦虐政日久

及江師至士民爭先附甲人在諏訪者聞之逃亡相繼二十八

日勝賴退入新府土功未完敗聞日至勝賴驚怖與諸將議避

交三國史 卷之五 正規訂

五車樓

銳嫡子信勝自奮曰。我家居此傳世二十八歷年。四百今眾畔親離我。祿盡矣。避將何之。當枕城而死。已勝賴嘿然。三月五日信長發安土。七日信忠入古府。治所舊武田氏宗族諸臣悉殺之。遂遣織田勝長源三郎森長可藏守等。徇上毛分使者招納甲駿降者相繼。勝賴駐雀瀨。眾潰留者近臣宿將四十餘人。天目山險而有巨利。欲據之。十日抵山下。發三使先上。初小宮山友信友信小宮山疾長阪跡部姦也。驟諫又與嬖人小山田將監有一作小見山疾長阪跡部姦也。驟諫又與嬖人小山田將監有鄰竟以讒廢。至是單騎訪求及之。因土谷昌恒總藏秋山光次紀伊請從。勝賴許之。乃顧問二士曰。長閑安在。曰。昨道亡。大炊何若。曰。亦亡。將監何若。曰。亡。既十日。友信曰。咄。君信邪。黜正久矣。知有今日。與二士相持泣。勝賴俛而謝。十一日。三使與山僧共

武田氏

叛拒勝賴。土寇亦競起。或告之江師。信忠令瀧川左近率兵。蹙之。勝賴見事急。令左右殺室北條氏及諸姬。眾皆飢困。信勝與四十餘人俱勉鬪而死。伊豆長光者。斫勝賴殪之。獲其首。十七年三月武田氏亡。中井積善曰。甲之事可勝嘆哉。當初信玄以倖逆得一。時以勝賴之昏愚。從幼所狃。莫匪亂賊。劫奪之事。是以叔惡亡。辨凶器弗敢。竟以至身膏鋒鏑。覆宗絕嗣。宜矣。世以成敗論入。亡國之罪。特責諸勝賴。而不知其既隳於信玄。篡國吞隣。威震一世之時也。乃從為信玄。惜後嗣不肖。抑未矣。有國者固當鑒於信玄焉爾。信長聞捷大悅。曰。旗鼓三旬。而覆巢穴。取鯨鯢。信忠之勲偉矣。十四日。進抵波合。濃信忠函勝賴首以獻。信長啓函罵曰。若狂悖不量力。自速覆亡。爭衡之志。今日何如。十六日。小室人斬信豐降。江信長梟勝賴以下。首于京師。尋收武田信光。稱左衛門大夫。蓋勝賴叔祖父。信綱。信龍。義久。及長阪。長閑。跡部。勝資。

武田嘉臣伏誅

山田義國等嘉臣數十人悉誅之遂大行殺戮甲親姻名族殆盡惠林寺為武田氏塋域勝賴之道也欲權托之寺僧鎖門不內及其死亦不收視已而匿諸亡人信忠聞而憎之夏四月三日圍而焚之寺中百餘人皆焚死棟宇盡燼○先是越中訛言江師伐甲大敗土寇遂起爭殺長吏所在基時上杉氏出兵助之柴田前田作間等分兵討之累旬而不能定○秀吉用師於淡數旬平之而還於是大舉入備中下宮地城今浮田氏軍攻冠山下之其衆走高松秀吉進圍高松灌之次龍王山毛利輝元親將援之次不動山兩川皆從焉三月秀吉分兵二萬備之益築堤坊逼城城中結櫟而坐懸釜而炊兩川數出挑戰秀吉堅壁不應○秀吉既與毛利氏相持乃馳書報江曰毛利氏親來機

光秀反信長

會不可失請遣出援兵二十五日信長得書悅曰是天所與我親往一舉可取西陞從茲無事乃下令曰畿甸諸大名亟就國會兵于備遂命丹波光秀為先鋒促期發遣光秀怒曰享禮未竣先是光秀奉安土山司饗之役又命遠役翻覆胡至此乃悉投珍羞器玩安土山司饗之具於湖馳還龜山初信長殘忍好殺遇諸臣無禮數以非理虐光秀等嘗置酒高會醉掖光秀掎其顛作鼓節光秀怒怨望日久於是決意而反○先是信長使子信孝及織田信澄丹羽長秀伐海南四國次大阪二十九日信長以小隊如京師館于本能寺信忠館于妙覺寺六月朔日明智光秀密會其爪牙光春明智左馬助利三齋藤內藏助等數人曰我有大事卿等能為我死耶若不見從速斷我頭僉愕駘相視曰唯命是從光秀曰我主公

交正國史略卷之五 正親町 五車樓碎

光秀殺

屢欲殺我今事已迫不可不先遂與之盟夜發師令曰須先入京師獻軍容而後西師濟桂川光秀揚策號曰離在本能寺力者有重賞象始知其反二日昧爽圍本能寺鼓譟而入信長驚興罵曰豎子敢爾手射殪數人弦絕執戈奮擊而傷左右僅百餘人皆血戰矢代勝介伴正林死于庭金森長則森蘭丸坊丸力丸坊丸長隆力丸長死于堂高橋寅松死于厨信長縱火自殺時年四十九中井積善曰嗚呼織田氏以回山倒海之勢世豺狼其心者不特一光秀則復誰咎乎有國者足取鑒戒矣然世睹其不令終往々話之不容口焉至於其有功乎名教者則槩乎其不錄抑亦頗矣夫足利氏之季王室極其衰織田氏定霸於其際威振中原既不拔有挾而能不忘所尊以攻伐控德支費廣潤之日營禁宮辨供御修缺舉廢置措紳比諸木曾北條悖逆滔天者薰蕕相反矣且其不惑乎異端邪妄之說不為無所見乃燔叡山屠長島擠大阪殺其凶焰以惠後世假之數年以就其志乎則彼誣惑之尤者或幾乎熄惜夫予故

信忠自

不欲以其涼德而沒其偉迹也信忠聞變馳赴本能寺則烟既起所司村井貞勝又迎訃馬首及妙覺寺寺庫淺而无備而隣二條第貞勝乃奉皇太子送諸禁内信忠乃從焉命士眾鎖門登陣眾僉曰徒死無為請遄歸國舉兵討賊信忠弗聽曰逆謀至此焉不斷我走路之有乃命前田玄以德善院玄以後民部法印曰汝還岐阜取我兒奔清洲賊軍至貞勝及士眾格鬪皆死信忠縱火自殺時年二十六○光秀欲入安土即日率兵馳抵瀨田使人招城主山岡景隆景隆斬使者燒湖橋避威山中光秀退次阪本○信長之如京也使季子勝長為留守蒲生賢秀副之及聞變城中震駭賢秀晏然不動顯議死守以義激勵士眾及夜闔境傳呼寇至留守諸將護衛大名逃者相踵眾乃勸賢秀奉夫人氏避銳

校正國史卷之五 正觀町 三十三

於日野蒲生氏邑賢秀知不可為令其息氏鄉以輿馬來迎諸姬或請收幣焚城賢秀曰乘亂營私人其謂我何土木先主所竭心我不忍燬就賊一旦据此豈能久有乎乃一無所取置守者而去

○前田玄以返岐阜奉信忠孤秀信岐阜中納言奔清洲○光秀修湖橋入安土悉收金帛頒賞其黨傲然以霸主自居日煽動黨類而應者市井無賴亡命姦兇已諸大名名族一無至者細川忠興其女婿也使人招之忠興怒逐使者召筒井順慶亦弗聽賢秀據日野移檄四境嚴為守備光秀始懼乃如京師行覲禮又欲收人心悉蠲釐下戶稅復如安土○柴田佐々等與上杉氏相持于越中有日森長可侵越後景勝回兵自救越前進陷魚津越中既聞京師變皆棄壁而還○秀吉灌高松累月城中困

清水宗治死義

隆景識鑒秀吉不可敵也

屈守將清水宗治長左衛門請自殺以宥其士卒死藝師旁觀不能救輝元聞織田氏大舉且至也懼行成秀吉許之盟有期會京師凶問至秀吉故不動徐出巡師翼日輝元遣人請詰且結盟送質秀吉報曰當俟明日而議輝元恐和議敗不自安五日黎明復往趣期秀吉見使者曰明智光秀作逆右府父子皆自殺上國大亂予且馳還討賊子君尚且成歎若乘釁則亟戒旗鼓予亦努力從事使者反命輝元大悅曰機不可失也乃與諸將議戰隆景進曰秀吉不可敵也彼聞變既信宿臣伺其陣部伍整肅若平日事既至此彼當且秘喪速盟而去而連却我使暴白大事無所隱諱何其壯也我若乘釁彼在死地我在散地捷未可必而彼歸我必深矣光秀狂豎織田諸子豚犬瀧川柴田

正親町
五車樓

諸人皆無霸材而獨秀吉才雄望隆是天或啓之今視厄不渝
 彼必德我宜雌伏遵約且遣大臣吊喪分兵助以討賊彼倘得
 志我高枕有邦國此十全之策輝元曰善乃令福原廣俊稱越前守
 吊且請結盟佐役毛利秀包稱藤四郎後久留目侍從輝元季子出質秀吉乃與
 輝元盟乞騎一隊旌旗三十弓銃各五百而發○織田信孝信
 澄丹羽長秀退自紀次大阪眾益潰亂信澄光秀女婿也光秀
 招之信澄畔據大阪子城信孝擊斬之光秀欲攻日野先是蒲
 生賢秀求援於信雄信雄心猜賢秀賢秀乃送質九日信雄出
 師次推山江近為日野聲援光秀不能發會伊賀人作亂信雄亦不
 能前○筑前守秀吉將眾四万至尼崎使人報大阪信孝大悅
 與丹羽長秀池田信輝往會之初細川忠興中川清秀稱瀨兵衛等

秀吉討賊

賊據天
王山非
吾利也

同光秀受西討命皆已就國治兵於是又以其甲從焉光秀聞
 之以兵万五千西上十二日秀吉軍山崎山城光秀度分兵上天
 王山臨陣叢射不足敗耳十三日昧爽令偏將率步騎七百弓
 銃手三百往秀吉謂堀秀政堀尾吉晴曰賊脫據天王山非吾
 利也二子其往吉晴為人勇決令其部下曰皆疾騁乃揚策而
 前騎能屬者十五弓銃手二十至山腹則賊既先吉晴從後蹙之弓
 銃無虛發賊弓銃在前不能拒後騎與秀政軍亦皆至從擊蹙之
 秀吉遂與賊戰于山崎高山友祥為先鋒中川清秀池田信輝
 張左右翼鼓噪健鬪大破之賊偏師冒信孝陣殊死戰信孝挫
 衄清秀麾眾橫擊遂敗之信孝把清秀手而謝秀吉自輿中呼
 曰瀨兵衛骨折骨折慰勞俗語清秀怒其尊大賊率餘眾走保青龍城

竹槍刺殺光秀

光慶伏誅

光秀三日公方

衆潰光秀惶怖將奔阪本夜與左右數騎過小栗栖山城土寇遮
 道以竹槍洞其腋而死十四日秀吉次三井寺或獻光秀首秀
 吉大悅梟之本能寺四方捕斬餘黨來獻者蝟集秀吉遣兵攻
 龜山拔之光秀子光慶稱兵衛伏誅使堀秀政率兵赴安土明智
 光春為留守聞光秀大敗縱火焚城悉衆赴援秀政遇之於大
 津擊破之初光秀真孛于阪本光春乃入保焉其下皆散亡光
 春殺孛縱火自殺秀吉又捕齋藤利三磔殺之賊悉平光秀自
 舉事十有三日而滅世諺為三日公方秀吉收瘞本能寺遺骨
 遂如清洲謁孺子秀信中井積善曰光秀狂謀祇足以資羽柴
而然秀吉重義赴難之志始酬而取滅定霸之勢既成豈非織
田氏無入哉信雄聞變數日而後出師僅踰境而罷枕干之義
美若信孝悅秀吉之至往會其師此以公
子從家臣也其並不足有為也可見矣 初秀吉為長濱城主

徙國于播未移家及變山本近城主阿閉長之稱淡與京極高
 次謀將取長濱以應光秀家室懼竄于膽吹山中長之悉收其
 資於是出亡見殺秀吉夷其族高次降○越前柴田勝家入討
 光秀十六日至柳瀨近江聞光秀伏誅遂如清洲○關東管領瀧
 川一益將討光秀料北條氏負約擣虛使人請戰相人果出師
 一益會統下大名兵與相師戰于鉤川上不利及收兵盡返大
 名質率兵西上聞賊平遂如清洲於是毛武大名皆即相一益
 乃還其邑長島○能人作亂前田氏擊平之○秀吉與柴田勝
 家丹羽長秀池田信輝議奉秀信為主使二叔信雄輔焉四臣
 秉政各以其人為京師所司設期更番以江田三十万石供秀
 信餘悉分有之曰埃孺子長還信雄取尾信孝取濃勝家取江

秀吉得志

校正國史略卷之五
 正規町
 五車橋本

之長濱長秀取滋賀高島信輝取攝之大阪尼崎兵庫其餘有
 差長濱羽柴氏邑勝家有兼井之志以其當南出之衝迫奪之
 秀吉不能爭先是秀吉以兵力定但因二國及伯備數郡及變
 自歸其有乃以地大獨辭不受分因使備秀家丹後藤孝為其
 統屬於是羽柴氏威望益隆三氏憚之無幾辭所司輪職及秀
 吉得志徙秀信邑于岐阜食田依舊無所還附臣僚視之秀信
 亦夷然奉命無復遠志識者鄙之○土佐元親大舉入阿與細
 川三好二氏戰于中富川香宗部親泰先濟獲二氏士數十元
 親將麾下直突三好存保稱民部大輔中堅大破之進圍存保于勝
 瑞○羽衣石城主元續及聞本能寺變大懼於是國人訛言京
 師有亂羽柴氏死之元續不知所為會城中有反者縱火引敵

秀吉固位昇進
 秀吉大信長

元續與左右數騎奔播遂如京師見秀吉告故求哀秀吉曰子
 也唯我之仰我當喻藝俾子復歸慰藉遣之已而笑謂左右曰
 是凶他矣吉川知渠怯弱故造蜚語以悞之不血刃而收功也
 元春之智元續之愚皆可謂無准乃告元春復之○長宗部氏
 克勝瑞三好存保走讚土師遂徇諸城皆下之細川三好二氏
 不死者皆出亡阿悉平○先是朝廷嘉秀吉討賊肅清京畿
 詔叙從四位下任右近衛中將秀吉固辭不拜冬十月更詔
 叙從五位上任左近衛少將秀吉收故右府信長燼骨葬之行
 儀于大德寺諸公子舊臣無有至者秀吉自為喪主召僧設大
 會資給甚厚詔贈信長從一位太政大臣秀吉遂營于寶寺
 城○土師之入阿也分兵入泉讚圍三好隼人佐于十河接戰

累旬於是元親自阿往益攻之以城險天漸寒置寨留戍徇郡
 邑而還○織田信雄信孝皆度出生同年月平素不相下卒爭
 權有讐柴田勝家自恃宿望疾秀吉猝出其右日積猜忌信孝
 與柴田佐々二氏通謀欲除信雄秀吉而瀧川一益及稻葉通
 朝稱伊氏家行廣等附之信孝歸濃勝家歸越前約伺間
 同發事覺秀吉言於信雄曰北地雪深越人未能動請疾伐濃
 信雄曰善秀吉乃將兵五万圍岐阜通朝行廣出降信孝懼求
 成長秀為居間勸信孝質其生母秀吉乃收軍反乎寶寺中井積善
 日鳴庫二叔資父兄之餘業各有大國各能扱心戮力內撫遺
 民外懷舊藩誰敢侮者乃以閱墻卒惹奇禍甘踏袁紹諸子之
 覆轍而弗寤也悲夫小早川氏知
 丹羽長秀連和令之先發長秀弗聽益右秀吉勝家乃欲結事

秀吉攻勝家

十一年

使人如寶寺請修好秀吉許之厚禮遣歸勝家喜曰秀吉隆我
 術中兵備遂懈秀吉謂左右曰老革誰我以埃春暄我故温言
 待之渠必曰得計今且一出使渠寒心乃帥兵抵長濱初勝家
 以姪勝豐稱伊賀守為假子既而寵甥作間盛政稱伊賀守黜勝豐於是
 勝豐守長濱秀吉使人諭之勝豐以城降越人南出之路絕○
 薩肥和破島津氏遣弟義弘稱兵庫頭與龍造寺氏爭肥後肥後復
 亂○十一年春正月朔織田信雄遣兵圍篠山伊勢初北畠具教
 之亡也其弟具親奔藝依毛利氏及織田信孝謀作亂潛入勢
 據篠山應之受圍兩日不能支具親棄城而逃餘衆弭散○秀
 吉將兵七万五千三道入勢伐瀧川一益於長島信雄出兵助
 之閏月拔其三城柴田勝家欲與一益夾擊秀吉二月使作間

盛政將兵二萬軍于木本江分兵鈔焚秀吉聞之令蒲生氏鄉關萬鉄山岡景隆當一益馳至賤嶽江越人不敢進秀吉登阜望北師曰陣整而能懼未可幾也命列塙壁留諸將分守退次于長濱○勝家大舉軍于柳瀨秀吉命益修賤嶽城砦固守不出長秀率兵助之夏四月信孝復作亂應柴田瀧川縱兵劫略信孝母質在清洲秀吉乘怒磔殺之安土城下遂將兵至大垣美濃十八日與信孝戰破之獲其良幸田兄弟中井積善曰凡殺其君連之意非良圖也况羽柴氏之於三郎其君之子也其生母加兵岐皇意在必殺使三郎不復得悔罪更過焉其所名師則曰我助二郎討及者也然其雄飛之志深害二公子居其上乘釁先除其一也苟以此心處信孝亦何有於信雄哉異日之事可知已是皆可憎之甚矣抑信孝棄母畔骨肉再犯以作兒戲之舉不名為狂逆則益為頑愚固不足齒列矣○或謂作間玄蕃曰羽柴伐濃三郎事

急盍赴援盛政曰勁敵列砦限以湖山焉得踰而進或附耳曰敵砦皆固但中川清秀在後壁賤嶽址塹壘不完即間道出余吾湖以襲其不意一舉可拔羽柴在濃不能疾來此砦既陷他砦當不戰而潰所謂兵以奇勝也盛政曰善如中軍以告勝家悅曰我分兵壓諸砦汝盍往矣但得捷即從便道還勿經宿盛政率步騎萬五千潛甲星行緣山沿湖迂回以馳二十日平明而達見飲馬者掩取之清秀大駭與高山友祥出禦之酣戰不決盛政曰長篠之役遠人焚鳶巢以得大捷故智可用乃令裨將繞出敵後燬其外營南師果潰友祥奔木本砦清秀勒餘衆入壁盛政急逼之生兵迭登清秀棄砦走越人號清秀反擊殪數騎遂死之諸塞以事出不意拘守軍令不敢赴援盛政收俘

馘日既西使人報捷送清秀首且曰衆甚疲當俟明日而退勝
 家謂使者曰便道財里許夫何疲之有宜亟還竒捷之利在收
 威養銳克而懈歿弗可測矣頻遣騎趣之項背相望盛政傲然
 曰全勝之威孰敢敵者舅氏老而怯耳日既暮勝家頓足曰豎
 子敗乃公事秀吉欲攻岐阜會甚雨祿川暴漲不得濟命頭軍
 水岸是日午時賤嶽飛報至大垣秀吉大笑揮刀距躍曰敵在
 吾術中不圖我獲大捷如此之速乃選健步五十人命曰若等
 走至長濱半趣土人具酒餉芻豆夾道以待喻以倍償其價半
 驅沿道民持炬上山自長濱達賤嶽最以厚賞遂下令軍中曰
 有大利在柳瀨皆輕裝疾發留堀尾吉晴氏家行廣備岐阜晡
 時親將而發鼓鑼舞策步騎萬五千颯擊而馳及暮炬火彌天

盛政敗事

簞壺咽路士氣益奮揚初更抵賤嶽使謂諸將曰大兵既至黎
 明各以弓銃逼敵作間盛政望炬光大愕士卒困卧莫能興盛
 政叱急收軍時月弦既開諸將視之弓銃爭蹙盛政戰且走至
 嶽北據岨隘柴田勝政稱三左衛門盛政之弟員母姓將兵三千在嶽址二十
 一日平明盛政招之勝政將退秀吉自嶽南逼之矢丸雨下勝
 政軍擾秀吉顧左右曰可矣皆離次收功親隨加藤清正稱虎
 後主計頭福島正則稱市松後左衛門大夫加藤嘉明稱孫六後左衛門平野長
 又肥後守福島正則稱市松後左衛門大夫加藤嘉明稱孫六後左衛門平野長
 泰稱權平後遠江守脇坂安治稱甚內片桐且元稱助作後東市正糟谷武則
 稱助右衛門提槍跳進所向無前大破之于清水岐獲勝政世
 傳之稱柳瀨七槍云南師追亡逐北偪盛政軍盛政大敗績追
 擊斬首五千餘級中井積善曰是役也柴田氏知敗羽柴氏料
 勝英雄所見不約而同獨盛政狃小勝剛復

自_レ用_レ以_レ喪_レ師_レ謀_レ國_レ易_レ曰_レ弟子_レ喪_レ戶_レ盛_レ政
 有_レ焉_レ然_レ責_レ亦_レ在_レ委_レ任_レ焉_レ者_レ可_レ不_レ慎_レ哉
 ○勝家在_レ核_レ山_レ江_レ夜_レ間
 軍中相_レ驚_レ曰_レ羽_レ柴_レ氏_レ至_レ矣_レ既_レ而_レ湖_レ上_レ軍_レ聲_レ闐_レ然_レ平_レ旦_レ敗_レ聞_レ至_レ衆
 懼_レ而_レ潰_レ麾下_レ兵_レ僅_レ三_レ千_レ諸_レ將_レ皆_レ勸_レ退_レ勝_レ家_レ弗_レ聽_レ毛_レ受_レ莊_レ介_レ固_レ請
 焉_レ借_レ其_レ徽_レ號_レ率_レ屬_レ而_レ留_レ南_レ師_レ追_レ至_レ而_レ四_レ萃_レ於_レ是_レ莊_レ介_レ與_レ昆_レ弟_レ二
 人_レ力_レ戰_レ死_レ之_レ屬_レ皆_レ殲_レ焉_レ勝_レ家_レ因_レ獲_レ脫_レ走_レ利_レ家_レ從_レ勝_レ家_レ于_レ軍_レ及_レ敗
 先_レ歸_レ勝_レ家_レ至_レ府_レ中_レ越_レ前_レ利_レ見_レ利_レ家_レ謝_レ而_レ出_レ利_レ家_レ請_レ送_レ辭_レ曰_レ子_レ原
 與_レ秀_レ吉_レ善_レ宜_レ行_レ成_レ矣_レ日_レ暮_レ歸_レ北_レ莊_レ勝_レ家_レ從_レ者_レ僅_レ百_レ餘_レ人_レ勝_レ家_レ急
 議_レ守_レ備_レ秀_レ吉_レ長_レ驅_レ至_レ府_レ中_レ親_レ踵_レ城_レ門_レ呼_レ曰_レ又_レ左_レ又_レ左_レ俗_レ稱_レ利_レ家
 出_レ迎_レ遂_レ從_レ之_レ國_レ中_レ諸_レ城_レ皆_レ降_レ散_レ二_レ十_レ三_レ日_レ進_レ圍_レ北_レ莊_レ焚_レ其_レ郭_レ或
 捕_レ柴_レ田_レ權_レ六_レ勝_レ家_レ義_レ子_レ作_レ間_レ玄_レ蕃_レ於_レ山_レ中_レ以_レ獻_レ秀_レ吉_レ執_レ之_レ城_レ中_レ勝_レ家
 恚_レ曰_レ我_レ終_レ為_レ猴_レ郎_レ所_レ困_レ秀_レ吉_レ面_レ肖_レ沐_レ猴_レ故_レ世_レ詬_レ以_レ為_レ目_レ夜_レ遂_レ撒

柴田氏

信雄殺

守備置酒二十四日城陷勝家與室織田氏登_レ天_レ守_レ樓_レ名_レ縱_レ火_レ
 自殺柴田氏亡秀吉進_レ徇_レ賀_レ○故_レ小_レ谷_レ城_レ主_レ長_レ政_レ之_レ娶_レ於_レ織_レ田_レ
 氏_レ也_レ生_レ三_レ女_レ子_レ信_レ長_レ已_レ滅_レ小_レ谷_レ以_レ其_レ室_レ歸_レ改_レ醮_レ柴_レ田_レ修_レ理_レ以_レ三_レ
 女_レ入_レ及_レ北_レ莊_レ將_レ陷_レ勝_レ家_レ令_レ標_レ之_レ曰_レ卿_レ故_レ右_レ府_レ妹_レ猴_レ郎_レ必_レ不_レ加_レ害_レ
 辭_レ曰_レ妾_レ不_レ死_レ於_レ小_レ谷_レ無_レ顏_レ于_レ世_レ久_レ矣_レ今_レ豈_レ可_レ再_レ誤_レ哉_レ勝_レ家_レ曰_レ三_レ
 女_レ實_レ淺_レ井_レ氏_レ何_レ必_レ併_レ命_レ乃_レ令_レ傳_レ御_レ奉_レ以_レ逃_レ匿_レ一_レ乘_レ谷_レ秀_レ吉_レ索_レ得_レ
 善_レ視_レ之_レ後_レ納_レ長_レ女_レ寵_レ傾_レ後_レ房_レ以_レ次_レ女_レ配_レ京_レ極_レ高_レ次_レ若_レ狹_レ季_レ女_レ配_レ
 木_レ下_レ秀_レ勝_レ少_レ丹_レ波_レ將_レ信_レ長_レ之_レ子_レ為_レ秀_レ吉_レ養_レ子_レ○信_レ雄_レ圍_レ信_レ孝_レ于_レ岐_レ阜_レ
 及_レ勝_レ家_レ亡_レ城_レ兵_レ潰_レ信_レ孝_レ奔_レ內_レ海_レ尾_レ瀧_レ川_レ氏_レ諸_レ城_レ亦_レ多_レ降_レ二_レ十_レ九_レ
 日_レ信_レ雄_レ使_レ人_レ迫_レ信_レ孝_レ自_レ殺_レ年_レ二_レ十_レ六_レ○五_レ月_レ秀_レ吉_レ還_レ至_レ阪_レ本_レ解_レ嚴_レ令_レ
 淺_レ野_レ長_レ政_レ斬_レ柴_レ田_レ權_レ六_レ作_レ間_レ盛_レ政_レ于_レ京_レ師_レ盛_レ政_レ素_レ驍_レ勇_レ世_レ目_レ為_レ
 交_レ正_レ國_レ史_レ略_レ卷_レ之_レ五_レ正_レ親_レ町_レ四_レ十一_レ五_レ車_レ樓_レ樓_レ辭_レ

秀吉任參議

夜又玄蕃臨刑呼曰我蚤用阿舅言則使猴奴如是長政叱之
盛政曰非汝所知至死顏色不變○詔秀吉叙從四位下任參
議○秀吉以事平勸信雄自併伊勢伊賀遂與議大行褒賞分
郡國予諸將以信中已亂森長可失邑也改以濃之金山與之
秀吉嘉長秀首絕柴田氏一意助已也勸信雄益邑以越前及
賀二郡長秀乃徙治北莊秀吉又賞七槍功頒加藤清正等食
邑各五千石信雄徙治於長島納孺子秀信於安土○龍造寺
隆信勇而虐宿將老臣多以邑畔或與敵通隆信怒砒殺其
益以嚴酷自喜及薩師入肥其統下多叛應之隆信怒砒殺其
質子令子政家民部擊平之嘗為政家娶原前城主有馬義純
修理女義純憎隆信與薩通於是薩人復入肥助義純軍安德
大犬

秀吉大城大阪

隆信與戰破之進攻安德敗而歸薩人乃留戍于原還○毛利
輝元以羽柴氏大興令吉川廣家如京師拜去歲成益修盟好
○秀吉相地形謂洛邑山勢逼塞困於運輸且無地可列邸第
不足以待庶邦會同莫若大阪宏敞襟帶河海四通五達之便
○十一月大城大阪殫力經畫課諸大名漕巨石聚大木所役
凡十餘國及鳩功殿宇之壯麗塹壘之完固號為天下第一遂
徙治焉中井積善曰善矣羽柴氏之擇居也大阪以形勝占
聖治之迹途平安定鼎永為廢墟王室既衰霸主迭興各眷
戀其土不暇遠覽自非羽柴氏雄圖高世惡得斷然定宅
於茲雖然所務在險不在德故自以為萬世金湯之固而不免
為人作嫁衣之誚悲夫且當天靡沸干戈縱橫之日窮奢土
木重役不取肆其怒耳不得諉以蕭何後世無加之說也○是
歲長宗部元親伐東讚平之於是悉併南海四國威振遠近○

十二年

羽柴氏威望既隆忌織田氏欲除之而憚啓端欲使信雄先發
 乃故流言秀吉有貳志信雄不懌○十二年春正月織田氏群
 臣如安土賀正皆見信雄於其邸參議秀吉至大津故不入信
 雄滋怒群臣居間請盟三井寺信雄許之信雄執政岡田重善
 稱長津川義冬稱女淺井多宮瀧川雄利稱三郎兵衛後皆有
 門守稱長津川義冬稱女淺井多宮瀧川雄利稱三郎兵衛後皆有
 膽略秀吉善遇之乃料啗彼以利必聽儻有弗從者亦足以離
 間之先盟招四人誘之三人皆從雄利陽許之臨盟告之信雄
 遽起馳歸長島遂議討秀吉三人諫止稱疾不出○三月信雄
 召執政重善義冬多宮命侍臣斬之分兵攻其邑遂與秀吉絕
 ○三月秀吉擬攻信雄帥兵陣于小牧尾張信雄請救於參大
 舉援之大敗秀吉軍於長久手獲池田信輝之助森長可秀吉

秀吉以信雄為主

十三年秀吉任內大臣

軍屢戰不利○十一月秀吉帥兵八萬軍于羽津伊勢信雄軍于
 桑名至是秀吉欲與信雄議和乃謂富田知進左近津田信守人
 曰孤為先君討賊有功無罪二公子信讒遂動干戈孤豈得已
 哉三郎之不令終至今悶々孤今欲改步納降以二郎為主若
 益往見二郎為孤謝罪二人如桑名以告信雄大悅即許之十
 一日盟于城下矢田磧秀吉率左右先至迎信雄膝行誓首泣
 曰皇天誘衷獲再仰清光臣死亡憾矣信雄益喜和議遂成○
 是月詔參議秀吉遷從三位大納言○十三年春二月詔
 大納言秀吉遷正二位內大臣初天皇春秋既高有倦勤之
 意以別宮傾圮弗果秀吉承旨大營別宮令前田玄以董役
 天皇大悅故有是命秀吉起寒微族姓不詳因自肩平姓至是

滅根來寺

更冒藤原○先是信雄陞從三位參議於是遷大納言尋叙正三位○初紀根來寺僧徒乘世亂蓄兵積粟聚亡命掠近邑勢日張皇天正初右府信長伐之據險不服及信長薨益猖獗列置鄔壁皆依山阻水糧仗豐備土寇響應威振南中秀吉嫉之又怒其嘗應參乃帥兵十萬入紀分兵攻諸寨二十二日筒井定次堀秀政趣根來寺賊兵千六百據千石港出衝秀政軍三好秀次與定次秀政夾擊破之追亡遂門焉定次射以火箭中其火藥櫃寨中雷震人畜皆灰諸寨聞之皆潰二十三日秀吉選生兵六萬直薄根來寺賊望怖而遁縱兵大掠隨焚之火累日不燔進攻雜賀所在土寇皆降獨太田負固不服築巨堤引紀川灌之乃降執其巨魁五十人磔殺之又進攻熊野下之窮

長秀病
殺自殺

山幽谷無復賊巢悉撒關以便商旅○初高野僧徒怙勢侵蝕民田貯甲仗匿亡命夏四月秀吉命收田籍兵盡逐衆不逞嚴設條禁曰若枝梧則與根來同科僧徒股栗奉命南中悉平乃以紀泉益邑秀長為城于紀之岡山實稚山也○丹羽長秀卒年五子長重加賀守後從嗣長秀其先為兒玉黨邦言謂族屬為黨世仕斯波武衛至長秀事信長以武顯與柴田修理齊名為人質直雖秀吉起自寒微猝出已上重其復大讐屈意從之及其擯信雄自為盟主積不能平竊欲除之以興織田氏病其力不能辨徒負叛名以死居恒鞅鞅夙有癥疾晚節殆不自支每言癥塊欲殺我此亦吾仇也卒引刀割肚剔出塊物而死塊物龜形而鷹嘴刀癥正在脊一時共傳奇之秀吉命醫員竹中法印藏

伐長宗部氏

之○五月先是秀吉令招長宗部元親曰速納豫讚當易以土
 阿弗聽是月秀吉使秀長秀次帥舟師入阿浮田秀家入讚小
 早川隆景入豫元親出師次木津秀次圍和氣秀長圍一宮皆
 下之遂合兵拔木津秋七月秀長既數克望風而潰者數城仙
 石秀久以前軍入讚拔八島藝師備師累戰皆捷亦下數城元
 親懼行成送質子秀吉責其不蚤服削三國與蜂須賀政家以
 阿仙石秀久以讚小早川隆景以豫割讚田二万石予十河存
 保隸秀久其三國豪姓比年降附長宗部氏者皆坐奪邑河野
 氏亦失邑客死於小早川氏云○內府秀吉欲為征夷大將軍
 故事征夷之寄咸係源氏秀吉病之時足利義昭依藝而寓于
 京師秀吉乃求為假子曰若見聽則尊榮終身義昭鄙其寒族

秀吉傳關白

不許焉初內府晴季菊亭深與秀吉結豫議機密於是謂秀吉
 曰關白人臣之極貴重非征夷之比公既冒姓藤原今而為之
 固不為不可矣何必足利氏位號之紹秀吉大喜迺諷關白昭
 實辭免秀吉請為關白進爵從一位遂奏推恩叙任子弟功臣
 有差乃賜秀吉豐臣姓秀吉授諸大名以為殊寵姓氏之濫始
 甚拜觀之日諸大名在京師者皆從儀衛之盛前世無比大納
 言信雄亦從中井積善曰織田氏於是乎廉耻掃地夫義昭之
 三國之主矢田之盟叙君臣之分者財半歲而冠履易處恬然
 也即以今日爵位之異等乎謝疾可也何以覩然見其後車之
 塵之為魯連所謂三晉大○秀吉既戡定中原諸道歲入二百
 万石府庫充溢因謂比年師旅荐興將士罷困不可獨自封殖
 乃設棚於京師出金五千枚銀三万枚中井積善曰當時之幣
 以金銀為板大如今大

正親町

四十五

五車樓

伐越中

削長重邑

板金而方隨便割切用之又諸國坑務所鑄造別有頒與群臣
 錠銀碎銀等並行天下然以枚數者皆方板之幣盡畧畢縱觀如堵○八月關白秀吉將兵十萬伐越中大納言
 信雄從焉成政據栗柯嶺列諸寨三十餘所秀吉分兵攻陷長
 驅薄富山成政所治成政自髡出降越中平秀吉悉以越中予前田
 利長稱肥前守實成政于京師○丹羽長重之嗣也尚弱秀吉
 未使其襲職長重舊臣痛先主忠于織田氏齎志以及恐有削
 紕屢謀舉事以繼先志輒不諧而止議亦微泄及是役長重應
 徵發部下犯律秀吉發怒收越前及賀之田而反若之舊邑收
 前日首謀者戮之割越前予北莊于堀秀政食二十九萬石使
 村上溝口二氏隸之○秀吉與左右數十騎抵絲魚越後徵會於
 上杉氏時景勝送款未周歲服其輕來不疑遣往受盟○秀吉

十四年 聚樂第 成

遣金森長近伐飛騨國司姊小路賴綱滅之就以驪予長近長近
稱五郎後出雲守又兵部卿法印晚號素玄○冬十月先是秀吉錄脇坂安治去歲
 功命食攝之能勢一萬石推恩之日叙從五位下任中務少輔
 踰月改食和之高取二萬石至此又改食淡之須本三萬石歲
 中三徙累祿至三倍世以為異數○十一月二十九日地大震
 畿內及東海東山北陸三道尤甚地裂水涌廬舍碎陷死者不
 可計○毛利輝元遣左衛門佐隆景治部少輔元長如大阪秀
 吉厚禮之密諭以西海之役○十二月小笠原貞慶以越後師
 攻高遠城主保科正直大破之○是歲郡國大饑疫死孳相望
 民皆茹草根地日動踰年而止○十四年春二月初秀吉欲享
 天子以為盛事起第于 皇宮之西地名窮極華麗是月就命

日聚樂遂徙焉。○三月初大友氏自能直承鎌倉右大將命管轄九州二十世至宗麟威益振迨季年政失其宜統下多畔島津氏日彊侵大友氏於是宗麟至大坂乞援秀吉曰我將西征姑俟焉宗麟歸尋卒義統嗣豐益衰。○五月越後景勝朝于京師秀吉待之甚厚為奏請叙從四位下任參議其臣直江兼續山城守等得叙任者五人。○七月二十四日皇太子薨諱誠仁追號陽光院。○島津義久次于八白使諸將北侵秋月種實害筑紫廣門和於高橋紹運立花宗茂。左近將監初名統虎以逼已送款於薩乞師薩師廼攻勝尾城擒廣門肥筑諸將來從兵五萬餘先是戶次道雪無子請紹運子宗茂為嗣稱立花氏又與紹運為豐復筑後卒焉紹運宗茂憂薩熾與大友氏乞援於秀吉秀吉許之。

及薩師逼岩屋宗茂勸紹運據寶滿城或來立花城紹運不從宗茂廼遣死士助之薩師圍岩屋紹運強禦殺傷數千人兵亦殲紹運自殺城陷寶滿城亦降薩師遣使於立花勸降宗茂年少有勇略却之議死守薩師既敝不能進攻立花秀吉聞薩師出遣黑田孝高于藝令輝元先往應援使孝高護其師輝元廼命元春隆景先赴九州。○八月藝師入北豐薩師置戍于岩屋高鳥居城而退宗茂追敗其後軍又拔高鳥居岩屋城秀吉稱為九州一人。○九月秀吉遣仙石秀久招諭薩人移書徵其朝貢且誡曰薩若不聽命退次境上待我大兵至慎勿浪戰取屈以張敵勢使長宗部元親率師續之加藤嘉明脇阪安治從焉義久怒抵書于地曰胡孫奴奚不遜自吾先祖忠久國于此。

承世十四歷年四百命。王事者有。近衛公而已。秀久大志退。與南豐師及元親俱進。與島津家久戰大敗。元親子信親宮內太輔及十河存保民部太輔死之。元親奔豫。秀久奔北豐。獨嘉明安治。戮力健闘。而退。薩人不敢進。秀吉聞報。虓怒奪秀久邑。予尾藤左衛門佐知定。知定屢有軍功。秀吉愛其勇。故超得大國也。○冬十月。參議秀長遷中納言。侍從秀次遷參議。○十一月七日。天皇內禪。在位二十九年。改元者三。曰永祿。十一年元龜。三年天正。十四年皇太孫即位。是為後陽成天皇。

後陽成天皇諱周仁。陽光太子之子。母新照門院內大臣

晴秀勸修寺公修之女。天正十四年十一月二十五日行即位禮。○

先是島津義久伐豐。三道分兵而入。降散者十六城。大友義統

天正十四年

葵婦林氏義勇

出拒之大敗。而還。是月。義久益進兵。攻畧令諸將攻鶴崎豐城。主岡掃部死於高城之役。其妻林氏守節。撫孤聞敵至。命浚塹。增壘設陷。穿身擐甲。率侍女橫槩。巡視。薩人爭登。隨方捍禦。會振竭。乃佯請平。屢邀三帥。伊集院美作野村享之。出少艾。佐酒。及薩師撤還。約偕往。設伏擊破之。斬三帥。餘衆潰走。大友統下城守。出死力。破敵得雋者。唯葵婦林氏云。○黑田孝高與藝師攻馬嶽。閩津後豐拔之。○吉川元春治部太輔為人俊爽剛直。初高松之役。輝元與秀吉平。元春獨持不可及。秀吉得志。耻出其下。即告老。令長子元長嗣。適情於事外。是役之興。關白因使次喻曰。孤愛吉治部之勇也。甚欲相見。且西討重事。治部雖老。必煩一行。元春稱疾不出。輝元強之。曰。固辭獲罪。恐累吾宗。元春不得

元春卒

交正國...

秀吉任太政大臣

秀吉奏請伐薩

已而行鞅々不樂疽發背留而卧小倉於是卒遺囑二子曰必竣事於薩元春乃令弟廣家持喪而歸日事終即來藝師入北筑拔障子嶽敵潰而走香春又進攻遂拔之城主高橋種元降

○十二月朔關白秀吉遷太政大臣職如故大納言信雄陞從二位○秀吉如大阪奏請親伐薩遂戒大舉下符徵畿内及南海北陸山陰山陽東山南海諸道三十七國馬步二十有四萬期以明年二月會大阪命時三十萬人一年食芻菽稱之以小西隆佐建部壽德宮城豐盛為運司悉漕于小倉石田三成治部少輔大谷吉隆刑部長束正家大藏為支糧司○是月島津義久伐豐後長驅及府内大友大友義統奔豐前義久入府内分兵四出攻畧○毛利氏馳人西肥招龍造寺氏納降政家欣然聽

秀吉造大像

十五年

命藝師所在張屯以映大兵至○是歲秀吉建方廣寺於東山塑造大像半身高十六丈購求巨石大木所課二十國所費不貲五歲而就中井積善曰豐關白氏非蠢愚佞佛者但其志既往々如是吾聞東大寺之役期以二十歲今也限以五歲而木石之鴻大艱軼上古其厲民為何如也古者惑而為之今則不惑而為之矣攻之其為不知也則一矣且也出於惑者幸而寤焉其過可更矣出於不惑者其疾殆不可救藥也悲夫○天正十五年春二月諸道兵發大阪水陸並進旌旂蔽空大和秀長統前部二十五日至北豐毛利輝元會之秀長移檄遠近刻日進剿三月義久棄府内而遁沿道多畔土寇亦競起共遮擊之義久轉鬪崎嶇多喪師留島津家久守耳川向而還秀長合眾長驅抵耳川令諸將涉而結營十七日家久悉眾夜出斫南條元續宮部繼潤善祥營元續不能支諸營分兵救之薩人

破繼潤柵而入繼潤捍禦甚力叢銃殪之所禽又數十人獲島津忠親諸營馳入中軍秀長畏薩剽悍不肯進尾藤知定又扼之吉川元長怒請以其甲往亦不聽天明薩人未退秀長將涉知定復固止之諸隊益馳至佐鬪家久走入城秀長乃涉相持數日家久焚城而遁追至高城家久復遁秀吉深賞繼潤功知定因得罪尋奪邑免為庶人○秋月種實筑前守尤親薩竭力援之嬰大隈城前筑分兵助薩人守崑石○十八日秀吉帥師抵北豐次馬嶽數道分兵而進令丹波少將勝秀攻崑石夏四月朔蒲生氏鄉攻南門前田利長攻北門四面肉薄而登乘風縱火遂拔之本多廣孝先登有功○阿蘇大宮司惟谷宇治氏拒命秀吉偏師伐降之惟谷世掌神封乘世亂累葉蠶食有田二十四

万石秀吉憎之悉没入其兼并之地○師進入南筑秋月種實

棄大隈返秋月度不免雍髮披緇令其子種長以城降國中諸

城聞之皆降潰秀吉盡收秋月氏地及事平念其故家也食種

長于財部向日三万石世傳秋月原姓劉氏初漢靈帝孫智避亂仕賜姓大藏朝臣苗裔徙筑紫奕世赤石郡大藏谷其子高香出官于太宰府以至種實譜記糧存云○十一日秀吉次高良山

東肥諸城皆降薩人屯戍者望風而潰薩將新納忠元稱武伊藏守

集院忠棟稱肥前守又稱右衛門大夫以勇聞義久之遁也退保合子城肥後

於是不知所為聞嶋津征久稱右馬頭在八白走投之秀吉舟師迫

八白征久及忠元忠棟惶怖夜遁其餘可知也秀吉次八白下

教大赦四方歸降者闐咽道路秀吉隨加接撫往々復其邑藝

師進入薩島津忠辰稱又太郎出降○五月五日秀吉次千代川薩摩

交王國史略卷之五 後易成

地接巨津漕艦湊集遂定為行臺為久頃計諸大名群帥伐林
 填澤大布陣營四近諸城皆潰隅薩震駭唯桂忠叻稱山守守平
 佐城城枕川加藤嘉明脇阪安治九鬼嘉隆率舟師伐之鼓衆
 齊登安治身攀壘而入忠叻乃降○初日向祐久伊東氏之奔京
 師也會有明智之亂乃從山崎師有首虜之功秀吉賞以河內
 之田於是命隸前部為隅日鄉導秀長徇日向累旬悉定之伊
 東氏遺民亦爭應之島津家久中務太輔以佐土原日向降前田利長
 淺野長政龍造寺政家徇隅隅薩諸城往々迎降已而大兵逼
 麿島島津氏治所義久大懼髡首縊服輿櫬造行臺納降秀吉曰故
 家也禮而使及其所初義久無子以弟義弘為嗣秀吉因立義
 弘義久遂老自號龍伯琉球聞之震怖馳使譯貢獻○吉川元

長嬰疾六月卒于師無子遺命欲使廣家嗣有故議格輝元患
 之因黑田孝高以請焉孝高推輓秀吉乃允之廣家深德黑田
 氏元長能繼家聲又好讀書通佛籍善國詩有集傳家云○七
 日秀吉班師抵太宰府留止既月盡取九國質子乃論定功罪
 復島津氏舊地悉削其兼併之地予佐々成政以肥後曰先世
 之勲不可廢也徙小早川隆景于筑前割豐前六郡予黑田孝
 高治于中津以其二郡予森勝信稱壹守治于小倉以筑後三郡
 予毛利秀包治于來目以其三郡予立花宗茂治于柳川大友
 義統高橋統增皆復舊地其餘黜陟有差○秀吉以肥前政家
 有功奏得任叙初政家幼立鍋島直茂以親族攝國事大得士
 心政家尋卒亡何其孤又死國人推直茂為主秀吉之興也直

茂為龍造寺氏首納款于京師以為九國倡秀吉深嘉之又知直茂器幹可用也遂以予肥前○島津義久詣博多拜命○所

在土寇懼罪屏息者及赦令下各爭出祝髮自歸其巨魁有木山紹定者善

聯詞嘗遊京師赴菅廟會得磬磬本帶鉤膽以口也因捨其名號曰磬帶於是秀吉作令曰土寇作暴為日已久矣宜誅渠師

政令除煩苛鋤豪強通關津○秋七月秀吉振旅而歸 天皇

遣使者郊勞○丹羽長重從西征復獲罪於是秀吉奪其祿邑

予松任之田五万石與淺野長政以若○初秀吉奪尾藤知定

邑於是以讚與生駒雅樂頭親正食十七万石知定奔相及北

條氏亡見誅○冬十月島津義弘朝于京師○秀吉予松下之

網網丹船阪之田三千石奏請任石見守錄舊誼也○小早川隆

秀吉予松下之網三千石

十六年

景之就國筑前也蠲苛法革舊弊整飾士風綏懷反側布寬大

之政務與民休息境内悅服嘗慨喪亂之久人不知學乃募下

毛足利學舍建聖廟行釋菜之禮使執政以下士庶入學親臨

勸勉焉吏民觀聽靡然成風云○天正十六年春正月關白秀

吉奏請 幸聚樂第 天皇許之時喪亂日久典故圯缺秀吉

令前田玄以采應永中 幸將軍義滿第永亨中 幸將軍義

教第儀及公卿記籍典禮家議雜就之於是四方無事而儀號

亦定遂奏請其期○松前豪族蠣崎慶廣稱民部少輔又稱志摩守又伊豆守修

使幣請内附夏四月秀吉就使慶廣比内大名慶廣遂以松前

自氏焉松前蓋肅慎東南陬慶廣之先若之諸源也父季廣避

亂海島以智力取松前至慶廣威令寢行夷民服從或曰嘉吉

後場成

松前入
版圖

天皇幸
聚樂第

中若狹守源信廣越海入于夷中取其南界以定北地傳至慶
 廣也上世東國有蝦夷動為邊患累朝命將出師叛服亡恒
 及皇風漸被夷民嚮化或逃入海率濱無復夷種後世因目
 肅慎東陞為蝦夷聲問絕不相通至此松前始入版圖其地北
 有大山橫阻山上設夷徼不相踰越而海津通夷船互市不絕
 云○十四日 天皇幸聚樂第 上皇及 諸皇子宗室 二宮
 妃嬪皆往關白迎扈文武百官諸大名皆扈從縱民觀焉四方
 奔波重沓父老或流涕曰不圖今日始觀太平之象 天皇留
 御累日凡幣獻之腆供億之殷超絕前古 天皇大驩十五日
 關白秀吉使諸大名盟于 御前載書曰凡同盟之人一心協
 力同尊 王室蔑弛勤勞 王室之邑蔑有侵牟關白所令蔑

有沮捨無愆義無從欲相戒相飾世々罔墜有渝斯盟 日本

二祖一宗之靈六十六國明神大罰殛之俾殞身泯國無有遺

育十六日大宴公卿諸大名 上皇 天皇賜御製和歌關白

秀吉以下皆應 制廣歌十八日 天皇還宮松苗編次國史

幸聚樂第義既見凡例今不復贅及是編成友人嗟峨御所醫
 士摩島元泰携一書來借余看之名戴恩記其書係松永貞德
 所筆蓋實錄也貞德號長頭丸豐太閤時人而學和歌于九條
 植通公及細川幽齋法印故書中多記和歌之語皆出師說因
 名戴恩蓋戴師恩之義云其中有言豐太閤嘗著朝服于闕下
 施藥院感激數拜天顏乃謂人曰身起布衣位極人臣天下
 恩深矣蓋余昔當朝家式微之時事後宮奉一賤役一
 日不圖近龍體而有身乃出嫁媿以而生余也松苗按豐太
 閤我邦古今無雙大豪雄故其行事確々落落如日月皎然也
 如托言曖昧之事自稱貴種者豐公其有之乎故余以戴恩所
 記斷為實言也世傳豐太閤嘗曰吾母夢日輪入懷而生余者
 蓋隱然謂其皇胤也而當時不吐其實者憚朝廷也固其
 禮也施藥院一語偶出感激喜悅之餘以泄其實耳抑又大政
 所日輪之夢托以言之乎或其兆于夢乎由是觀之則豐太閤

交正國史各卷之五

後陽成

五十二

五車樓抄

固有名種也其智勇兼備數年之間撥亂反正正翼戴天子松苗常
諸大將垂法將來以為武將五世之軌則者不亦宜乎松苗常
言我人而王公將相固異矣天下即一人之天下至將相及執
上之人而王公將相固異矣天下即一人之天下至將相及執
天下之權者未嘗有微賤之人也如古之豪雄位至將相及執
倉右大將及北條氏足利將軍織田右府皆桓武清和之
皇裔也乃知豐公之系戴恩乎○記實言而非誣說也世謂豐公
為凡種奴隸出身者豈其然乎○松苗嘗賦桃山懷古詩什雖
拙惡今記之左以代豐公贊丹樓昔日麗如霞今見
山桃万樹花追憶豐公功業大黃金為瓦亦非奢

國史略卷之五終

